

四庫全書

史部

欽定四庫全書

御批歷代通鑑輯覽卷三十五

晉

安皇帝

己隆安三年

燕長樂元年秦宏始元年涼王呂纂咸寧元年北凉天璽元年

春三月魏

分尚書諸曹置五經博士

魏主珪分尚書三十六曹

胡三省注後漢光武分尚書為六曹晉武帝增置三

十五曹至後魏又

增為三十六曹及外署凡置三百六十曹令八部

大人主之

八部擬八座
謂之八國

吏部尚書崔宏通署三十六

曹如令僕統事置五經博士增國子太學生員合三

千人珪問博士李先

字榮仁中
山廬奴人

曰天下何物可以益

人神智對曰莫若書籍珪曰書籍有幾如何可集對

曰自書契以來世有滋益至今不可勝計苟人主所

好何憂不集遂命郡縣大索書籍悉送平城

追尊所生母陳氏為德皇太后

夏四月以會稽世子元顯為揚州刺史

會稽王道子有疾且無日不醉元顯知朝望去之諷朝廷解道子揚州以授元顯道子醒而知之大怒無如之何元顯以廬江太守張法順會稽人為謀主多引樹親黨朝貴皆畏事之

燕除公侯金帛贖罪法

燕主盛十日一決獄不加考掠多得其情下詔曰法

例律

晉初改舊律為刑名法例此蓋言法例所載之律也

公侯有罪得以金帛

贖此蓋不足以懲惡而利于王府甚無謂也自今皆

令立功以自贖

南涼王烏孤卒弟利鹿孤立徙治西平

注見前

南燕王德陷廣固

注見前

遂都之

初秦主登之弟廣帥衆依南燕王德已而廣自稱秦

王南燕所屬多去附廣德乃留魯王和守滑臺自帥

衆討廣斬之和長史李辯殺和以滑臺降魏德欲還

攻滑臺與其下謀之

韓範曰綱也魏為客吾為主今也吾為客魏為主人心危懼不

可復戰不如先據一方自立基本乃圖進取范聰曰青州沃野二千里精兵十餘萬左有負海之饒右有

山河之固廣固城地形阻峻若得其地閉關
善銳伺隙而動此乃陛下之關中河內也德乃引

師而南進據琅邪徐兗之民歸附者十餘萬幽州刺

史辟閭複姓渾守廣固其下多出降渾懼奔魏德追

斬之遂定都廣固先是燕蘭汗之亂吏部尚書封孚南奔辟閭渾渾表為渤海太守及德

至孚出降德大喜曰孤得青州不為喜喜得卿耳乃遣委以機密國事悉與之參酌封孚守處道渤海備

人

秦主興降號稱王

興以災異屢見降號稱王詔羣臣卿士將牧守宰各

降一等存問孤貧舉拔賢俊簡省法令清察獄訟守
令有政績者賞之貪殘者誅之遠近肅然

冬十月秦陷洛陽

秦寇洛陽河南太守辛恭靖

隴西秋道人

固守百餘日秦

兵拔洛陽獲之恭靖見秦王興不拜曰吾不為羗賊

臣興囚之于是淮漢以北多降于秦

恭靖被囚三年
逃歸江東病卒

孫恩寇陷會稽殺內史王凝之

羲之子

詔徐州刺史謝琰

及劉牢之討破之以琰為會稽太守

奸民左道惑衆
在政治清明之
時不過爲射利
之媒其技易窮
亦易敗露若亂
世則直用疑古
俗亂矣守官者
時去武備而信
欺邪自貽伊戚
其愚固不足惜

會稽世子元顯性苛刻生殺任意發東土諸郡免奴

爲客者

胡三省注有罪沒爲官奴凡公卿之後及士人子孫占蔭以爲客戶是爲免奴爲客置

京師以充兵役東土囂然孫恩因民心騷動自海島

攻會稽殺內史王凝之

凝之世奉天師道不出兵亦不設備官屬請討之凝之曰

我已借鬼兵守諸要津不足憂也恩遂陷會稽殺凝之

于是八郡

會稽吳郡吳興義興臨海

永嘉東

之人一時起兵殺長吏以應恩旬日中衆數

十萬恩自稱征東將軍號其黨曰長生人表會稽王

道子及元顯之罪誅之于是內外戒嚴加道子黃錢

然以義之而有
是乎又世奉和
道宣非請以馬
高宮人之深哉

新洲學記今蒙
漢高世揚事最
極自託失列前
高久當草草矣

元顯領中軍將軍命徐州刺史謝琰討之牢之亦發

兵討恩拜表輒行琰擊斬義興吳郡羣盜與牢之轉

關而前所向輒克琰留屯烏程遣司馬高素助牢之

進臨浙江

注見前

詔以牢之都督吳郡諸軍事初彭

城劉裕

字德興小字寄奴漢楚元王交之後

僑居京口勇健有大志僅

識文字以賣屨為業好撻蒺藜為鄉閭所賤

嘗伐荻新洲遇大蛇

擊傷之明日復至洲見有羣兒撻蒺藜問何為答曰

吾王為劉寄奴所傷裕曰何不殺之兒曰寄奴王者

不死裕叱之皆散

新洲胡

至是牢之引叅軍事使

三省注在京口西大江中

雄之志哉
神可以豎
萬耳

松湖邑奮勇
身近時多所
傷益以敬宣
兵何難殄滅
乃官軍競取
寶物子女致
城東

將數十人覘賊遇數千人即迎擊之從者皆死裕墜

于岸下賊臨岸欲下裕奮長刀仰斫殺數人乃得登

岸仍大呼逐之殺傷甚衆劉敬宣怪裕久不返引兵

尋之見裕獨驅數千人咸歎息因進擊賊大破之

胡三

省曰劉裕

事始此

恩驅男女二十餘萬口東走多棄寶物子

女于道官軍競取之恩由是得脫復逃入海島朝廷

憂之復至以琰為會稽太守都督五郡軍事戍海浦

明年夏恩復寇會稽謝琰出戰兵敗為帳下所殺恩
轉寇臨海朝廷大震遣兵討之不克已而恩為劉牢

間進說破富奴
下無紀固無可
辭然所云以
一人聊數千亦
大之誇矣

之所破復走入海 海浦自龔山東至
定海皆是臨海吳郡今浙江台州府是
以會稽世子元顯錄尚書事

時謂道子為東錄元顯為西錄西府車騎填湊東第
門可張羅元顯所親信率皆佞諛諛禮官立議公卿
以下見者皆拜時國用虛竭公卿日廩七升而元顯
聚斂不已富踰帝室

桓元舉兵攻江陵殺殷仲堪楊佺期

殷仲堪恐桓元跋扈乃與楊佺期結婚為援佺期屢

桓元志存不軌
所憚惟殷楊二
人當時執政者
轉欲搆使乖離
是何弗賄佺期
受代之後勢已
不支復為仲堪
所始憤激致敗
良堪憫惻若仲
堪畏昔畏尼優
乘債事其死不

欲攻元仲堪每止之元恐終為殷楊所滅乃求廣其
所統執政亦欲搆使乖離乃加元都督荊州四郡軍
事又以元兄偉代佺期兄廣為南蠻校尉佺期忿懼
欲與仲堪共襲元仲堪多疑少決苦禁止之是歲荆
州大水仲堪竭倉廩以賑餓民元欲乘其虛而伐之
乃發兵西上聲言救洛先遣兵襲取巴陵積穀食之
仲堪遣楊廣等拒之皆為所敗江陵乏食以胡麻廩
軍急召佺期自救佺期曰江陵無食可來相就共守

足惜也

欽定四庫全書

御批

卷三十五

襄陽仲堪給之曰比來收集已有儲矣徐朗帥步騎八千至江陵仲堪唯以飯餉之徐朗大怒曰今茲敗矣不見仲堪與兄廣共擊元大敗單騎奔還仲堪亦

奔鄴城元遣將軍馮該追獲時殺之

初仲堪參軍羅企生謂其弟遵

生曰殺侯仁而無斷必及于難吾蒙知遇義不可去必將死之及仲堪敗走文武無送者惟企生從之路經家門遵生曰作如此分離何可不一執手企生旋馬授手遵生牽下之曰家有老母去將何之抱之甚急遂不得去及元至荊州人士無不詣元皆企生獨不往而營理仲堪家事元遣人收之問欲何言企生曰乞一弟以養老母元乃殺企生而赦其弟

涼王光卒太子紹

字永業

嗣庶兄纂弒而代之

光疾甚立紹為天王自號太上皇以太原公纂為太

尉常山公宏為司徒

光謂紹曰吾沒之後汝委重二兄庶幾可濟母內相猜忌也又

謂纂宏曰永業才非撥亂直以立嫡有常服若元首汝兄弟輯睦則祚流萬世若內自相圖則禍不旋踵

及光卒紹祕不發喪纂排閤入哭盡哀而出紹懼以

位讓之纂不許宏謂纂曰主上闇弱未堪多難兄宜

為社稷計纂宏于是夜帥兵入宮紹自殺纂乃即天

王位以宏為大都督錄尚書事

已而宏作亂纂殺之

庚子四年

南燕建平元年南燕王利鹿孤建和元年西涼

公李昌庚子元年是歲西秦降秦舊大國三燕

秦魏小國四涼南涼北涼南

燕新小國一西涼凡八僭國

春三月詔桓元都督荊江

八州軍事荊江州刺史

元既克荊雍表求領荊江詔以元都督荊司等七州

軍事領荊州刺史元復求江州乃加督八州領二州刺

史元輒以兄偉為雍州刺史朝廷不能違

夏六月庚辰朔日食

秋七月太皇太后李氏崩

秦擊西秦西秦王乾歸戰敗奔南涼遂降秦

秦遣姚碩德伐西秦入自南安峽

在鞏昌府安定縣南

西秦王

乾歸使將軍慕元等屯守秦軍樵采路絕秦王興潛

引兵救之乾歸聞之自將輕騎迎戰敗走其衆皆降

興進軍枹罕乾歸奔金城將復西走與諸豪帥大罵

而別遂乞降于南涼南涼王利鹿孤待以上賓秦兵

既退南凉梁弋等密招乾歸乾歸將應之或以白利

鹿孤乾歸懼為所殺遂奔于秦

秦封乾歸為歸義侯明年春復使乾歸還

鎮苑

川

九月地震

以會稽世子元顯都督揚豫等十六州軍事

北涼敦煌太守李暠

字元發隴西郡成紀人

自稱涼公

是為西涼人

初北涼李暠好文學有令名蓋敏為沙州刺史以暠

為效穀

漢縣後周省故城在今安西府敦煌縣

令敏卒治中索仙

敦煌人

等以暠溫毅有惠政推為敦煌太守請于段業業因

授之至是晉昌

晉郡今安西府是

太守唐瑤叛移檄六郡推

葛為沙州刺史涼公葛遣宋

字體業
敦煌人

東代涼興

前涼

郡後周為縣故城在

并擊玉門以西諸城皆下之

初

今西涼府淵泉縣

太常郭厲善天文術數嘗與李葛宋錄同宿厲起謂

辭曰君當位極人臣李君終當有國家有驪馬生白

額駒此其時矣及索仙等推葛葛初難之會錄至謂

葛曰忘郭厲之言郭白額駒今已生矣葛乃從之厲

先叛涼舉兵為呂纂所破後歸姚興將奔晉追者殺

之郭厲西平人厲奴昆反驪馬北馬也驪音課

冬十二月有星孛于天津

晉書天文志天津九
星橫河中一曰天津

會稽世

子元顯解錄尚書事

元顯以星變解錄尚書事復加尚書令吏部尚書車

道子父子齊惡
實為東晉高僧
而元顯驕恣不
法即道子亦為
所凌其直更為
于父也

肩以元顯驕恣白會稽王道子請禁抑之元顯問道
子曰車武子屏人言及何事道子怒曰爾欲幽我不
令與朝士語耶元顯出謂其徒曰肩問我父子肩懼
自殺

魏置僊人博士

魏儀曹郎董謐獻服餌僊經珪置僊人博士立僊坊
煮煉百藥成令死罪者試服之不驗而訪求不已

南燕王德稱帝更名備德

辛丑五年

燕王慕容熙光始元年涼王呂隆神鼎元年北涼王沮渠蒙遜永安元年

春二月涼

呂超弑其君纂而立其兄隆

超隆皆光從子

超擅擊鮮卑思盤纂命超及思盤入朝超懼深自結

于殿中監杜尚纂見超責之曰卿恃兄弟

謂超與隆

桓桓

乃敢欺吾要當斬卿天下乃定然實無意殺之也因

引超思盤及羣臣宴于內殿超兄隆數勸纂酒纂醉

超取劍擊殺之讓位于隆隆遂即天王位以超都督

中外錄尚書事

纂后楊氏將出宮超恐其挾珍寶命宗之后曰爾兄弟不義手刃相屠我

旦夕妬人安用寶為又問玉璽所在后曰已毀之矣后有美色起將納之謂其父桓曰后若自殺禍及卿宗桓以告后后曰大人賣女于氏以圖已之富貴一之為甚其可再遂自殺桓奔河西

夏五月北涼沮渠蒙遜弒其君業

北涼王業憚沮渠蒙遜勇畧蒙遜亦深自晦匿張掖太守馬權素為業所親重蒙遜譖而殺之乃謂其兄男成曰段公非撥亂之主向所憚者馬權今權已死欲除之以奉兄何如男成曰人親信我國之不祥蒙遜乃陰使人告男成謀反業遂收男成賜死

男成曰
蒙遜死

與臣謀反臣以兄弟之故隱而不言今以臣在恐部
衆不從故誣臣反其意欲王之殺臣也乞詐言臣死
暴臣罪惡蒙遜必反然後使臣
計之無不克矣業不聽殺之
男成素得衆心衆皆

憤怒蒙遜因帥衆陽言為男成報仇入張掖業被殺

蒙遜自稱張掖公

亦號北涼

六月孫恩寇丹徒

漢縣今為江南鎮江府治

劉裕擊破之

先是劉裕戍句章

注見前

袁山松

喬之孫

築滬瀆

在江南松江府

上海縣東北吳都記松江東

滬海曰滬海亦謂之滬瀆

壘以備恩已而恩寇句

章攻海鹽

漢縣後漢時海為當湖晉徙置吳郡城今縣是也屬浙江嘉興府

裕隨而

拒之

海鹽城中兵少裕偃旗匿衆明晨開門使羸疾者數人登城賊問裕所在曰夜已走矣賊爭入

城裕奮擊

大破之恩進趣滬瀆裕追之不利引歸恩遂陷滬

瀆殺山松至是恩浮海奄至丹徒戰士十餘萬樓船

千餘艘建康震駭內外戒嚴劉宇之使裕自海鹽入

援裕兵不滿千人倍道兼行與恩俱至丹徒守軍莫

有關志恩率衆鼓譟登蒜山

在鎮江府城西江岸

居民皆荷擔而

立裕帥所領奔擊大破之恩狼狽僅得還船然恩猶

恃衆復整兵向京師燕王尚之帥精銳馳至恩樓船

高大沂風不得疾行數日乃至白石間尚之在建康

牢之至新洲乃浮海北走郁洲

即鬱洲洲上有島曰鬱林山在江南海州

東北海中

其別將攻陷廣陵朝廷以裕為下邳太守討破

恩于郁洲恩由是衰弱復緣海南走裕隨擊屢破之

秋八月燕段璣弒其君盛太后丁氏立盛叔父熙討璣

殺之

燕王盛懲其父寶以懦弱失國務峻威刑宗親勲舊

人不自保前將軍段璣

段太后兄之子

等夜于禁中作亂盛

自帥左右出戰被傷而卒中曩將慕容拔白太后丁氏以國家多難宜立長君時衆望在盛弟平原公元

字道

光寶弟

而河間公熙

字道文

素得幸于丁氏乃廢太

四子

子定迎熙入宮即天王位捕璣等夸三族元定皆賜

死

後熙納苻譚二女有寵丁氏怨
惠謀廢熙熙通丁氏今自殺

九月秦圍涼涼王隆遣使降秦

涼王隆多殺豪望以立威名內外囂然魏安

案宇記
魏安城

在昌松縣東本漢樸剌縣後為魏安

隋省樸剌音蒲環昌松注見前

人焦朗遣人說

秦伐之于是秦主興使隴西公姚碩德帥師濟河徑趨姑臧隆遣呂超逆戰大敗隆嬰城自守碩德圍之

累月撫納夷夏分置守宰節食聚粟為持久計

起言于隆

曰今資儲內竭上下嗷嗷當早辭以退敵敵去之後修政息民若卜世未窮何憂舊業不復若天命去矣亦可保

全宗族隆乃遣使請降于秦碩德表隆涼州刺史

秦軍

既還呂超攻焦朗于魏安朗請救于南涼利鹿孤遣將軍脩檀赴之比至超已退脩檀乃與朗連和尋聲之取

冬十一月桓元表桓偉鎮夏口刁暢鎮襄陽

桓元表其兄偉為江州刺史鎮夏口司馬刁暢督八

郡鎮襄陽遣其將馮該戍澠口

元自謂有晉國三分之二數使人上已符

瑞欲以惑眾又致騰于會稽王道子曰賊造近郊以風不得進食盡故去非力屈也昔國寶死後王恭不乘此威入統朝政足見其心非侮于明公也而謂之不忠今之腹心誰有時望豈無佳勝直是不能信用之耳元顯見之大懼張法順謂曰元始得荊州人情未附若使劉牢之為前鋒而以大軍繼進元可取也元顯以為然會武昌太守庾楷密使人自結于元顯請為內應元顯喜遣法順至京口謀于牢之牢之以為難法順還曰觀牢之顏色必試于我不如召入殺之不爾政人大事元顯不從于是大治水軍謀討元

士元興元年

南涼王秃髮傉檀宏昌元年

春正月以尚書令元顯為

征討大都督加黃鉞討桓元

下詔罪狀桓元以元顯為驃騎大將軍征討大都督

加黃鉞劉牢之為前鋒譙王尚之為後部張法順言

于元顯曰桓謙

字敬祖
冲次子

兄弟

謂謙弟修
修字承祖

每為上流耳

目而牢之反覆萬一有變則禍敗立至可令牢之殺

謙兄弟以示無二若不受命當逆為之所元顯曰今

非牢之無以敵元且始事而誅大將人情不安又以

桓冲有遺惠于荆土乃除謙荊州刺史以結西人之

心

柔然據漠北自稱可汗

胡三省曰柔然為魏患自此始

初魏主珪立慕容氏

故燕主實之季女

為后

魏故事將立后鉞金人以卜之

慕容氏所鉞成遂立為后

已復遣賀狄干

北鄙大人

獻馬求昏于秦秦

王興聞魏先已立后遂留狄干而絕其昏由是魏與

秦有隙攻其屬國沒奕干諸部柔然社崙方睦于秦

遣將救之大敗遠遁漠北奪高車之地而居之遂吞

併諸部士馬繁盛雄于北方其地西至馬耆東接朝

鮮南臨大漠傍側小國皆羈屬焉自號亘代可汗

始文

約束以千人為軍軍有將以百人為幢幢有帥戰攻先登者賜以虜獲畏懦者以石擊其首殺之

桓元舉兵反

東土遭孫恩之亂因以饑饉漕運不繼桓元禁斷江

路商旅俱絕公私匱乏以糲

扶牛反穀皮也

橡

似西反相實也

給士

卒元謂朝廷多虞必未暇討已可以蓄力觀釁及聞

大軍將發乃大驚欲完聚保江陵長史卞範之

字敬祖宛

句曰明公威振遠近元顯口尚乳臭劉牢之大失物

情若兵臨近畿示以禍福土崩之勢可翹足而待何
為延敵入境自取窮蹙乎元從之留桓偉守江陵抗
表傳檄罪狀元顯舉兵東下檄至元顯大懼下船而
不發

元兵至姑孰三月劉牢之叛附于元元顯軍潰元入建
康自以太尉總百揆殺元顯等以牢之為會稽內史牢
之自殺

桓元發江陵至歷陽

庾楷謀泄元因之顯王尚之
衆潰被執司馬休之敗走

劉

劉牢之欲敗
鮮之利其計
矣豈知元頌既
除則元威柄獨
操牢之亦入其
掌長卒至黨惡
滅身寧非自取

法順油介牢之
殺桓譚兄弟以

牢之素惡元顯又慮功高不為所容自恃材武擁強
兵欲假元以持執政復伺元隙而自取之參軍劉裕
請擊元牢之不許元使牢之族舅何穆說之牢之遂
與元通東海何無忌牢之之甥也與劉裕極諫不聽
其子敬宣又諫牢之怒曰吾豈不知今日取元如反
覆手但平元之後令我奈驃騎何遂遣敬宣詣元請
降元陰欲誅牢之乃與敬宣宴飲陳名書
盡其觀之以安悅其意敬宣不覺也元顯將發
開元已至新亭棄船退軍越二日元至南桁元顯欲

示無二木為失
算而元顯不用
其謀反致牢之
降元如虎傳與
南析之敗自取
成亡乃謂為法
順所誤是真重
惜無識雖死不
悟者也

還宮元遣人拔刀隨後大呼曰放仗軍人皆奔潰元

顯走入東府元遣從事收縛數之元顯曰為法順所

誤耳元入京師稱詔解嚴自為丞相總百揆都督中

外錄尚書事揚州收復讓丞相而為太尉以桓偉為

荊州刺史桓偉為徐兗刺史桓石生為江州刺史卞

範之為丹陽尹王謐

字稚遠
導之孫

為中書令徙會稽王道

子于安成郡

吳置治平都故城在今
江西吉安府安福縣

斬元顯尚之庾

楷張法順以劉牢之為會稽內史牢之曰始爾便奪

我兵禍其至矣

敬宣勸牢之襲元牢之猶豫未劉裕曰今當北至廣陵舉兵以匡社稷卿

能從我乎裕曰將軍以勁卒數萬望風降服彼新得

志威震天下朝野人情皆已去矣廣陵可得至邪裕

當返服還京口耳退謂何無忌曰吾觀鎮北必不免

即可隨我還京口元若守臣節常與卿事之不然當

與卿

圖之于是牢之大集僚佐議據江北以討元參軍劉

之不可者莫大于反將軍往年反王兗州近日反司

馬郎君今復反桓公一人三反何以自立語畢趨出

佐吏多散走牢之懼帥部曲北走至新洲縊而死元

辭歸尚書事出此姑就大事時就諸馬小事則決于

桓謙及卞範之元仗御史杜林防衛會請王道子至

安成林采元

青醢殺之

孫恩寇臨海郡兵擊破之恩赴海死元以恩黨盧循

字

先謂之

為永嘉

晉郡今浙江溫州府是

太守

孫恩寇臨海太守辛景擊破之恩所虜三吳男女死

亡殆盡恐為官軍所獲乃赴海死其黨從死者以百

數謂之水仙餘衆數千人復推恩妹夫盧循

循神采清秀雅

有才藝少時沙門惠遠常謂之曰君雖體涉風素而志存不軌如何

桓元欲撫安東土

乃以循為永嘉守循雖受命而寇暴不已

南涼王利鹿孤卒弟得檀立

始稱涼王徙樂都

初思復魏受重脣擅謂諸子曰脣擅器識非汝曹所及也故諸兄不

以傳子而

傳于弟

三吳大饑

三吳大饑戶口減半臨海永嘉殆盡富室皆衣羅紈

懷金玉閉門餓死

秦王興攻魏敗績其將姚平死之

秦王興大發諸軍遣義陽公平等伐魏自將大軍繼

之魏主珪遣長孫肥

代人

為前鋒亦自將大軍繼後

平為肥所敗結壘固守魏軍圍之興將兵四萬來救

珪帥步騎逆戰于蒙阮

在今平陽府曲沃縣北

之南興退走平

悉眾突圍不得出乃帥麾下赴水死餘眾二萬餘人

皆斂手就擒興力不能救舉軍慟哭數遣使求和于

魏珪不許

將軍司馬休之

字季高
之弟

劉敬宣高雅之奔南燕

元殺吳興守高素將軍竺謙之及劉襲等皆牢之北

府舊將也襲兄軌驍司馬休之劉敬宣高雅之等共

據山陽

晉縣今為江南淮安府治

欲起兵攻元不克遂奔南燕

癸卯二年

是歲涼亡大國三燕秦魏小國四南涼北涼西涼南燕凡七僭國

春盧循使其

黨徐道覆寇東陽

晉郡治長山今浙江金華府治之金華縣是

建武將軍劉裕擊

破之

道覆循之姊夫也

桓元自為大將軍

元上表請帥諸軍平關洛而諷朝廷不許乃云奉詔

故止

元初欲飭裝先命作輕舸載脫玩書畫或問其故對曰兵凶戰危脫有意外當使輕而易運衆

時笑之

夏四月癸巳朔日食

五月燕作龍騰苑

燕王熙作龍騰苑方十餘里役徒二萬人築景雲山于苑內基廣五百步峰高十七丈

後熙復于苑中起趙遙宮鑿曲池海

方依夏上辛

燭死大半

秋七月秦徵呂隆為散騎常侍以王尚為涼州刺史

南北涼互出兵攻呂隆秦之謀臣言于秦主興曰隆

今饑窘尚能自支若將來豐贍終不為吾有不如因其危而取之興乃徵呂超入侍遣齊難等帥兵迎隆隆素車白馬迎于道旁難以司馬王尚行涼州刺史鎮姑臧徙隆宗族及民萬戶于長安興以隆為散騎常侍超為安定守

後涼自呂光據姑臧至隆亡凡四主合十九年

九月桓元自為相國封楚王加九錫

殷仲文

觀之弟

卞範之勸元早受禪朝廷冊命元為相

國總百揆封楚王加九錫楚國置丞相以下官

桓謙私問

劉裕曰楚王勳德隆重朝廷之情咸謂宜有揖讓卿
以為何如劉裕曰楚王勳德蓋世晉室民望久移乘
運禪代有何不可喜
曰卿謂之可即可耳

南燕講武城西

高雅之表南燕主備德請伐元曰縱未能廓清吳會

亦可收江北之地

韓範亦上疏曰晉室衰亂戎馬單
弱重以桓元悖逆上下離心拓地

定功正在今日失時不取彼之豪

傑誅滅桓元更脩德政則無望矣

備德因講武城西

公卿皆以元新得志未可圖乃止

冬十月桓元自稱皇帝廢帝為平固

晉縣隋省故城在今江西贛州府興

國縣

王遷于尋陽

元表請歸藩使帝作手詔因留之詐言錢塘臨平湖

注見

前開江州甘露降因使百僚集賀為已受命之符

又以前世皆有隱士取獨無之求得安定皇甫謐六
世孫希之給其實用使居山林殿為著作郎又使國
辭然後下詔旌禮號曰高士時人謂之元隱元性貪
鄙人士有法書好畫及佳園宅必假蒲博而取之尤
愛珠玉未
嘗離手
至是卞範之為禪詔逆帝書之遣司徒王

謐奉璽綬禪位于楚帝出居永安宮百官詣姑孰勸

進元業壇于九井山

在大平府
當塗縣

北即帝位改元永始

封帝為平固王遷于尋陽元入建康宮登御座而床
忽陷羣下失色殷仲文曰將由聖德深厚地不能載
元大悅元以其祖塋以上名位不顯不復追尊獨納
桓溫神主于太廟下承之曰宗廟之祭上不及祖有
以知楚德之不長矣元性苛細好自矜伐詔令屬
有司恭答不暇而細紀不治奏
案停積朝野駭然思亂者衆

益州刺史毛璩

字叔建實之孫

起兵討桓元

元遣使加璩左將軍璩不受命傳檄列元罪狀進屯

白帝

甲辰三年

魏天賜元年

春二月劉裕起兵京口討桓元元使弟

謙拒之

劉裕從徐兗刺史桓脩入朝元謂王謐曰裕風骨不
常蓋人傑也每遊集必引接殷勤贈賜甚厚元妻劉
氏謂元曰裕龍行虎步視瞻不凡恐終不為人下宜早
除之元曰我方平蕩中原非裕莫可用者俟闕河平
定別議之耳裕與何無忌同舟還京口密謀興復劉邁

字伯章
下邳人

弟毅

字希

家于京口亦與無忌謀之

無忌曰桓

可圖乎毅曰天下自有強弱苟為失道雖強易弱正
患事主難得耳無忌曰草澤之中非無英雄也毅曰
所見唯有劉下邳無忌
笑而不答還以告裕
平昌蓋景自建康還裕謂之

曰草間當有英雄起卿頗聞之乎景曰今日英雄有

誰正當是卿耳于是裕毅無忌景及裕弟道規

字通

諸葛長民

琅邪陽
即人

等相與合謀起兵

時桓宏鎮廣陵
曰達鎮歷陽道

規為宏參軍果為主簿裕使毅就道規果共圖宏據
廣陵長民為達參軍裕使長民就毅達據歷陽無忌
夜草檄文其母密窺之泣曰吾不及東海呂母明矣
汝能如此吾復何恨問所與同謀者曰劉裕母尤喜

桓宏修之弟刁達協之孫裕託以遊獵與無忌收

合徒衆得百餘人詰旦京口門開無忌著傳詔服稱

敕使居前徒衆隨之入斬桓脩以徇裕問無忌曰急

湏一府主簿何由得之無忌曰無過劉道民劉穆之東莞莒

人字道和道民其小字也裕曰吾亦識之即馳信召馬時穆之聞京口謹譟

聲晨起出陌頭屬與信會直視不言裕見穆之曰始

者久之返室壞布裳為袴往見裕

舉大義湏一軍吏甚急卿謂誰堪其選穆之曰倉猝

于坐署主簿

是日孟果在廣陵亦勸桓宏出獵果與劉毅劉道規帥壯士數十人斬之因收

衆濟

衆推裕為盟主總督徐州事以果為長史守京

江

口裕帥二州之衆千七百人軍于竹里移檄遠近元

加桓謙征討都督謙等請亟遣兵擊裕元曰不如屯

大衆于覆舟山

在江寧府上元縣東北元和志陟山西足也

以拒之彼空

行二百里無所得銳氣已挫忽見大軍必驚愕我按

兵堅陣勿與交鋒彼求戰不得自然敗走此策之上

也謙等固請乃遣吳甫之皇甫敷相繼北上

元憂懼特甚或

曰裕等烏合微弱勢必無成何意之深元曰劉裕足為一世之雄劉毅家無擔石之儲擄虜一擲百萬何無忌酷似其勇其舉大事何謂無成

三月劉裕及桓謙戰于覆舟山大破之元出走裕立留臺于石頭

三月朔裕軍與吳甫之遇于江乘

注見前

斬之至羅落

橋

在上元縣東北建康志下有羅落浦入于大江

皇甫敷帥數千人逆戰又

斬之元使桓謙屯東陵卞範之屯覆舟山西合衆二

萬明日裕衆食畢悉棄餘糧數道並前裕與劉毅身

先士卒進突其陳將士皆殊死戰因風縱火謙等大

潰元先已潛使殷仲文具舟至是遂將其子昇鞭馬

趣石頭浮江南走經日不食悲不自勝裕入建康明

日徙屯石頭城立留臺百官

焚桓溫神主造晉新主納于太廟

遣諸

將追元尚書王嘏帥百官奉迎乘輿誅元宗族在建

康者使臧熹

東莞人熹之弟

入宮收圖籍器物封閉府庫元

司徒王謐與衆議推裕領揚州裕固辭乃以謐為侍

中領揚州刺史錄尚書事

裕初名位微薄唯謐獨奇貴之元受禪時謐親解帶

諸罪萬無可貸
裕可以信恩保

全之是富其計
逆時逆萌已見
集竊之奸尋至
而逆興雖有智
者亦將無如之
何而況爾時君
庸而臣奸哉

輒授授元及元敗衆謂謚宜
伏誅裕以舊恩特保全之

謚推裕為都督八州徐

州刺史何無忌為琅邪內史孟果為丹陽尹劉道規

為義昌

宋書州郡志南梁太守永初郡國有義昌胡三省曰蓋晉未置郡宋初廢為縣也南梁

晉僑郡寄治壽陽

太守諸大處分皆委于劉穆之倉猝立定

無不允愜裕遂託以腹心時晉政寬弛綱紀不立豪

族陵縱小民窮蹙穆之斟酌時宜隨方矯正裕以身

範物先以威禁內外肅然

諸葛長民至豫州失期不得發寸達執之轎車送顧

元未至而元敗送人共破櫬出長民還趣厓陽遠棄城走其下執以送裕斬于石頭豫州晉南渡後僞

置子

歷陽

元至尋陽逼帝西上劉毅等帥兵追之

元在道自作起居注叙討劉裕經畧舉無遺策請軍

違節度以致奔敗專忠著述不暇與羣下議事

已而元挾

帝入江陵恐威令不行更增峻刑罰衆益離怨荆江諸郎聞元播越有上表問起居者元皆不受更令所

在賀遷

劉裕推武陵王遵

字茂遠威王裕子

承制行事

裕稱受密詔以遵承制入居東宮內外卑敬遷除稱

桓元一經欺切百事俱非乃于會皇奔竄中朝以罪惡著述為事所以欲美弱彰視六藝大奸者之極情矣

制教稱命

劉敬宣司馬休之自南燕來歸

劉敬宣高雅之結青州大姓及鮮卑豪帥謀殺南燕

王備德推司馬休之為主謀泄南走南燕人追殺雅

之敬宣休之至淮泗間開桓元敗遂來歸劉裕以敬

宣為晉陵

吳毘陵郡晉更名
今江南常州府是

太守休之為荊州刺史

敬宣尋為

江州刺史

夏四月何無忌及元兵戰于桑落洲

在江西九江府
德化縣東北

大

破之

桓元遣庾稚祖何澹之等守潁口何無忌劉道規至
桑落洲澹之等逆戰澹之常所乘舫旗幟甚盛無忌
曰賊帥必不居此欲詐我耳今寡衆不敵戰無全勝
此舫戰士必弱我以勁兵攻之必得之得之則彼勢
沮而我氣倍因而薄之破賊必矣遂攻得之因傳呼
曰已得何澹之矣賊軍驚擾官軍亦以為然乘勝大
破之遂克潁口進據尋陽遣使奉送宗廟主祐還京

師

元挾帝東下五月劉毅等及元戰于崢嶸洲

在湖北武昌府東昌

縣東北一名得勝洲

大破之元復挾帝入江陵寧州督護馮遷擊

元誅之帝復位

桓元收集荊州兵有衆二萬復帥諸軍挾帝東下

使徐

放說劉裕等散甲裕等不聽

劉毅何無忌劉道規帥衆自尋陽西

上與元遇于崢嶸洲道規麾衆先進毅等從之乘風

縱火盡銳爭先元衆大潰元挾帝單舸西走留永安

何皇后

穆帝后

及王皇后

帝之后

于巴陵殷仲文因叛元

奉二后還建康元與帝入江陵欲奔漢中而人情乖

沮乃與腹心百餘人夜出更相殺害僅得至船左右

奔敗荊州別駕王康產奉帝入南郡府舍校尉毛脩

之

字敬文璩之弟子

誘元入蜀元從之會毛璩弟寧州刺史

璩卒官璩使兄孫祐之及叅軍費恬帥數百人送其

喪遇元于枚回洲

在荊州府江陵之西南

迎擊之督護馮遷

漢嘉

人

抽刀而前元曰汝何人敢殺天子遷曰我殺天子

之賊耳遂斬之乘輿反正于江陵以脩之為驃騎將軍大赦奉神主于太廟毅等傳送元首梟于大桁閏月桓振襲江陵陷之劉毅等進兵討之不克

毅等既戰勝以為大事已定不急追躡元死幾一旬諸軍猶未至桓謙及振竄匿復出聚衆襲江陵陷之殺王康產振見帝于宮欲行弑逆謙苦禁之乃拜而出為元舉哀追謚謙帥羣臣奉璽綬于帝侍御左右

皆振腹心何無忌劉道規進攻謙于馬頭

城名在荊州府公安

縣東水經注江津戌
南對馬頭岸即此

破之無忌直趨江陵抵逆戰于

靈溪

在荊州府江陵縣西

無忌等大敗退還尋陽

秋七月永安皇后何氏崩

九月魏改官制

魏主置六謁

其秩五品

準古六卿臨昭陽殿親加銓擇列

爵四等曰王公侯子

王封大郡公封小郡侯封大縣子封小縣

其品第

一至第四又置散官五等其品第五至第九

前世職次皆無

從品魏制自第一至第九皆有之

文官材能秀異武官堪為將帥者

其品亦比第五至第九百官有闕則于其中擢補之
其官多倣上古龍官鳥官謂諸曹之使為鳧鴈取其
飛之速疾也謂候官伺察者為白鷺取其延頸遠望
也餘皆類此

冬十一月魏命宗室州郡各置師

魏主命宗室置宗師八國

即八部
也前

置大師小師州郡

亦各置師以辨宗黨舉材行如魏晉中正之職

燕王熙與其后苻氏

苻護幼女

遊白鹿山

在今略陽江右翼
西北水經注石城

川水北屈逕白鹿山西即此
今蒙古名是山為布虎圖

熙寧有餘聞不足論然據史家

所稱白香山其

地並非流漢絕

達何至為虎狼

所害及凍死五

千餘人豈記哉

者意在已甚其

謝立暇復按事

理子與民所以

有不如無書之

歎

是行士卒為虎狼所害及凍死者五千餘人

熙為符氏起承

華殿負土北門與毅同儕符氏嘗季

夏思凍魚熙下有司切責不得斬之

乙義熙元年

南燕主慕容超太上元年西涼建初元年

春正月劉毅等入江

陵桓振亡走謙奔秦

先是劉毅等進克巴陵號令嚴整所過百姓安悅至

是軍至馬頭桓振挾帝出屯江津遣使求割江荆二

州奉送天子毅等不許會南陽太守魯宗之

字彥仁扶風郿

起兵襲襄陽桓蔚南走宗之進屯紀南

注見前

振留

桓謙馮該守江陵而自引兵與宗之戰毅等擊破該

于豫章口

在江陵縣東南水經江水又東得豫章口注夏水所通也

謙棄城走毅

等入江陵執卞範之等斬之振還知城已陷其衆皆

潰乃逃于涓川

亦曰卽川在湖北德安府安陸縣

詔大處分悉委冠

軍將軍劉毅大赦改元

惟桓氏不原以桓冲盡忠王室特宥其孫盾徙新安

以魯宗之為雍州

東晉僑置雍州于襄陽

刺史毛璩為征西將

軍督梁益等五州弟瑾為梁秦刺史瑗為寧州刺史

桓謙何澹之等皆奔秦

既而桓振復襲江陵將軍劉懷肅與戰誅之劉懷肅彭

城人

秦以鳩摩羅什為國師

秦王興以鳩摩羅什為國師奉之如神師羣臣及沙門聽講又命羅什繙譯西域經論大營塔寺沙門坐禪者常以千數由是州郡化之事佛者十室而九

西涼公嵩遣使來上表

西涼公嵩自稱大將軍領秦涼二州牧遣黃始梁興間行奉表詣建康

二月帝東還

留臺備法駕迎帝于江陵劉毅劉道規留屯夏口何無忌奉帝東還

益州叅軍譙縱

巴西南充人

殺其刺史毛璩自稱成都王

先是毛璩遣兵攻梁州誅元所署刺史桓希已間桓振陷江陵帥衆三萬順流東下將討之使其弟瑗出

外水

蜀有內水外水內水即涪江亦曰內江外水即岷江亦曰蜀江水經注江州縣對二水口右則

涪內水左則蜀外水是也

叅軍譙縱出涪水蜀人不樂遠征逼譙

縱為主璩聞變奔還成都遣兵討之不克營戶

民之分配

軍營者為營戶

開城納縱殺璩及瑗縱自稱成都王于是蜀

大亂漢中空虛氏王楊盛遣其兄子撫據之

三月帝至建康除拜琅邪王德文武陵王遵劉裕以下有差

帝至建康百官詣闕待罪詔令復職

尚書殷仲文以朝廷音樂未備

言于劉裕請治之裕曰今日不暇給且性所不解仲文曰好之自解裕曰正以解則好之故不肯耳以

琅邪王德文為大司馬武陵王遵為太保劉裕為侍

中車騎將軍都督中外諸軍加錄尚書裕時不受而

請歸藩

尋以裕都督十六州軍事出鎮京口

以劉敬宣為宣城內史

初劉毅嘗為劉敬宣叅軍時人或以雄傑許之敬宣曰非常之才自有調度此君外寬而內忌自伐而尚人若一旦遭遇亦當以陵上取禍耳毅聞而恨之及敬宣為江州毅使人言于裕曰敬宣不預建義授郡已為過優聞為江州尤用駭惋敬宣不自安請解職

乃召還為宣城內史

以盧循為廣州刺史

先是盧循陷番禺

注見前

徐道覆陷始興

注亦見前

時朝廷

新定未暇征討以循為廣州刺史徐道覆為始興相

循遣使獻貢

因遣劉裕益智棕裕報以續命湯循之

陷番禺也軌刺史吳隱之至是裕與循書命遣隱之

還循不從久乃遣之

吳隱之字處默潞陽瓠城人

夏五月劉毅何無忌討滅桓元餘黨荆湘江豫皆平

桓元餘黨苻宏等擁眾寇郡縣者以十數劉毅等分

裕甫匡復晉室
即欲為國家索
地于秦亦當請
于朝命何得擅
自遣使蓋其時
上下陵替君若
敵虜故雖逆謀
未形而無君之
心已顯露若此

討滅之荆湘江豫皆平詔以毅為都督淮南五郡豫
州刺史何無忌都督江東五郡會稽內史

秋七月劉裕遣使求和于秦得南鄉

晉郡故城在今
南陽府淅川縣等

十二郡

劉裕遣使求和于秦因求南鄉諸郡秦王興許之羣
臣以為不可興曰天下之善一也劉裕拔起細微能
討桓元復晉室內釐庶政外脩封疆吾何惜數郡不
以成其美乎遂以十二郡歸晉

九月南燕主備德卒太子超

字祖明備德兄子立

汝水

胡三省注汝當作女水在山東青州府臨淄縣東南水經注女水出東安平縣之蛇頭山或云

齊桓公女冢在其上故名水東北流入巨淀

蜀南燕主備德惡之俄而寢

疾先是備德兄子超自秦逃歸封北海王

備德前從秦王堅南

寇留金刀與其母公孫氏別及備德與垂舉兵山東秦殺其兄納及其諸子公孫氏以老得免納妾段氏方娠備德故吏呼延平引奔羌中生超十歲而公孫氏卒以刀投超已而平以超母子奔涼呂隆降秦隨從長安平卒段氏為超娶其女超恐為秦所錄乃陽狂行乞會備德遣人視之超不敢告其母妻潛變姓名逃歸以金刀獻備德備德悲及是超請禱于汝水備德不自勝乃封超為北海王

德曰人命在天非汝水所能制也病篤召羣臣議立
超為太子俄而地震君臣震恐是夕備德卒為十餘
棺夜分出四門潛瘞山谷超即位虛葬備德于東陵
超既立以母妻猶在秦遣使請之秦要使稱藩且令
獻太樂諸伎超從之秦乃還超母妻厚其資禮而遣
之

西涼徙都酒泉

西涼公嵩與長史張邈謀徙都酒泉以逼沮渠蒙遜
嵩手令戒諸子曰從政者當審慎賞罰勿任愛憎近
忠正遠佞諛勿使左右竊弄威福毀譽之來當研覈

真偽聽訟折獄必和顏任理慎勿逆詐億必輕加聲色
務廣諮詢勿事專用吾淑事五年雖未能息民賦舍
垢匿瑕朝為寇讐夕委心膺事任公平坦然無類計
近則如不足經遠乃為有餘庶亦無愧于前人也

丙午二年夏六月秦以禿髮傉檀為涼州刺史守姑臧

南涼傉檀伐北涼還獻馬三千匹羊三萬口于秦秦

王興以為忠以傉檀為涼州刺史鎮姑臧徵王尚還

涼州人遣主簿胡威請留尚弗許威見興流涕言曰
臣州僻遠仗良牧仁政保全至今陛下奈何以臣等
賈馬羊乎若軍國須馬直煩尚書一符臣州三千餘
戶朝下而夕可辦也昔漢武帝傾天下資力開拓河
西以斷匈奴右臂今無故棄五郡忠良華族以資暴
虜豈惟臣州士民墮于塗炭恐方為聖朝所食之憂

興悔之使人馳止尚則僭禮已軍五澗逼遼尚行矣
五澗水名在涼州府武威縣東今謂之雞木澗源
出天梯山北
流合黃羊川
僭禮雖受秦爵命然其車服禮儀皆如

王者

冬十月論建義功封賞劉裕等有差

劉裕豫章郡公劉毅南平郡公何無忌安成郡公自
餘封賞有差

西秦乞伏乾歸如秦

秦王興以乾歸寢彊難制留為主客尚書以其子熾

磐監其部衆

丁三年燕王昌雲正始元年夏主赫連勃勃龍升元年

未三年是歲燕慕容熙亡隋大國二秦魏小國四南涼國二燕夏凡八個國春二月劉裕殺東陽太守殷仲文

及桓冲孫肩夷其族

仲文素有才望自謂宜秉朝政出為東陽太守悒悒

不樂何無忌素慕其名仲文許便道脩謁無忌喜飲

遲之而仲文失志恍惚遂不過府無忌以為薄已大怒會南燕入寇無忌言于劉裕曰桓

肩殷仲文乃腹心之疾北虜不足憂也會裕府將駱球謀作亂伏誅裕因言球與仲文桓肩有謀皆族

仲文晉室舊臣
有勳桓元受禪
繼復誦事劉裕
衷心無他莫此
為甚當時所云
才生豈可知矣

誅之

夏六月赫連勃勃

劉衛辰之子見前

自稱大夏天王

勃勃魁岸美風儀性辨慧秦王興見而奇之與論大
事寵遇踰于勲舊興弟邕曰勃勃不可近也興曰勃
勃有濟世才吾方與之平天下奈何逆忌之乃以為
將軍使助沒奕干鎮高平伺魏間隙邕固爭興乃止
久之竟配以雜虜二萬餘落使鎮朔方勃勃遂謀叛
秦柔然獻馬于秦勃勃掠取之襲殺沒奕干而并其

衆自謂夏后氏之苗裔

句如然子淳維之後

稱大夏天王

勃勃以其

先從母姓劉氏為非禮乃改姓赫連氏言其歲赫與天連也

秋七月戊戌朔日食

燕高雲弑其主熙自立為天王

初燕將軍馮跋

字文超長樂信都人

得罪于燕主熙亡命山澤

熙賦役繁數民不堪命跋因民之怨欲舉大事潛入

龍城匿于孫護家會熙后苻氏卒

熙哭之絕而復蘇斬哀食粥命百官

哭無淚者罪之又以其嫂張氏為殉

及是熙出送葬

被髮徒跣步從二十餘里跋等

與將軍張興等作亂推熙養子夕陽公雲為主

雲前從熙

襲高句麗傷于天且畏熙之虐遂以疾去官及是跋至其家扶之而出帥衆入宮授甲開

門拒守熙還攻北門不克雲遂即天玉位大赦改

元執熙弑之復姓高氏以跋為都督中外諸軍錄尚

書事

夏王勃勃破薛干等部降之遂進攻秦及南涼大破之

夏王勃勃破鮮卑薛干等三部降其衆以萬數進攻

秦三城

在陝西延安府膚施縣

以北諸戍斬秦將楊丕姚石生

等諸將請都高平以固根本勃勃曰吾大業草創姚興亦一時之雄未可圖也今專固一城彼必并力于我亡可立待不如以驍騎風馳出其不意救前則擊

後救後則擊前使彼疲于奔命我則游食自若不及

十年嶺北

胡三省注九嶷嶺之北

河東盡為我有待興既死徐

取長安在吾計中矣于是侵掠嶺北諸城秦主興乃

歎曰吾不用黃兒

姚弋仲字

之言以至于此勃勃求婚于

南涼僣檀不許勃勃帥騎二萬擊破之名臣勇將死

者什六七勃勃積尸而封之號曰闕牀臺

戊申

四年南涼嘉平元年

春正月劉裕自為揚州刺史錄尚書事

王謐既卒劉毅等不欲劉裕入輔政議以謝混

字叔原瑛

之為揚州刺史或欲令裕于丹徒領揚州以內事付

孟昶遣皮沈以二議諮裕沈先見劉穆之具道朝議

穆之密白裕請入朝

穆之曰晉命已移公勳高位重豈得遂為守藩之將邪劉孟與

公俱起布衣立大義以取富貴一時相推非委體心服宿定臣主之分也力敵勢均終相吞噬揚州根本所繫不可假人前者以授王謐事出權道今若復以他授便應受制于人一時權柄何由可得今但答以

此事既大非可隱論便暫入朝共盡同異
公至京邑彼必不敢越公更授餘人矣裕從之朝

廷乃徵裕為侍中揚州刺史錄尚書事裕解兖州以

諸葛長泯鎮丹徒劉道憐

裕中弟

戍石頭

南燕主超祀南郊

超任所親公孫五樓為腹心猜虐日甚

五樓欲篡朝權譖此地王

鍾請誅之鍾懼遂與段宏謀反不克鍾奔秦宏奔魏

至是超祀南郊有獸如鼠

而赤大如馬來至壇側須臾大風晦冥羽儀帷帳皆

毀裂超懼以問太史令成公綏對曰陛下信用姦佞

誅戮賢良賦役繁重之所致也起乃黜五樓等再復用之

夏五月譙縱稱藩于秦

先是劉裕遣將軍毛修之與益州刺史司馬榮期共討譙縱榮期為叅軍楊承祖所殺修之退屯白帝至

是縱稱藩于秦

此請桓譙與其掣劉裕秦王興以問譙謙因請行興曰小水不容巨魚若

縱才力自足辦事亦不假君為羽翼矣遂遣之譙至

成都虛懷引士縱疑之置子龍格使人守之胡三

省注龍格即廣都縣龍爪羅之地已而裕表劉敬宣督修之討縱敬

宣入峽轉戰而前去成都五百里秦遣兵救之縱亦
悉衆拒守會饑疫乃引軍還敬宣坐免官裕降號中
軍將軍

秦遣兵襲南涼討夏時敗績

秦王興以僭擅內外多難

侍擅為赫連勃勃所敗其
諸將梁夏遵軍守以謀叛

謀欲因而取之

使韋宗往覘伺僭與言經世大畧縱
橫無窮宗退嘆曰奇才英器不必華

夏明智敏識不必讀書吾乃今知九州之外五服之
表復自有人也歸言于興曰涼州雖遠未可圖也興

不聽使其子廣平公弼將軍敘成帥步騎三萬襲侍擅

僕射齊難帥騎三萬討勃勃弼長驅至姑臧俘檀嬰
城自守出奇兵擊破之命郡縣悉散牛羊于野歛成
縱兵鈔掠又擊敗之勃勃聞秦兵且至退保河曲黃

千里一曲此河曲在朔方之北齊難遂縱兵夜掠勃勃潛師襲取之

遂禽難虜其將士萬三千人于是嶺北夷夏附于勃
勃者以萬數勃勃皆置守宰以撫之

冬十一月南涼復稱王

巳酉五年魏太宗拓跋嗣永興元年北燕王馮跋太平元
年西秦更始元年舊大國二秦魏小國六南涼

北涼南燕西涼北燕夏新

小國一西秦凡九僭國

春二月南燕寇掠宿豫

晉縣後魏

置郡唐仍為縣曰宿遷今屬江南徐州府

南燕主超正旦朝會歎大樂不備議掠晉人以補伎

韓諱曰先帝以舊京傾覆戢翼三齊陛下不養士息民伺釁恢復而更侵掠南隣以廣仇敵可乎超曰我計已定不與卿言遂遣公孫五樓兄歸將兵寇宿豫拔之大

掠而去簡男女二千五百付太樂教之

時五樓專總朝政宗親並

居顯要尚書都令史王儼諂事五樓比歲屢遷官至左丞國人為之語曰欲得候事五樓

三月恒山

注見前崩

夏四月雷震魏天安殿

雷震魏天安殿東序魏主惡之命以衝車攻東西序

皆毀之初魏主服寒食散

煉鍾乳硃砂等藥為之云可辟火食故曰寒食胡三

省注晉人多服此

散蓋始于何晏

藥發躁怒無常至是寢劇又災異

數見占者言有急變生肘腋魏主憂懣廢寢食每百

官奏事至記其舊惡輒殺之死者皆陳天安殿前羣

臣多不敢求親近惟著作郎崔浩

字伯淵清河人

恭勤不懈

父吏部尚書宏未嘗諂諛亦不忤旨故父子獨不被

謹

劉裕伐南燕六月及燕師戰于臨朐

晉縣今屬山東青州府

大破

之遂圍廣固

劉裕抗表伐南燕朝議皆以為不可惟慕容

景

仁安從孫

臧熹勸行裕以慕容監南府事

初苻氏之敗王猛孫鎮惡來奔射

不能及人而有謀畧善果斷熹論軍國大事至是或薦于裕與語悅之因留宿明旦謂參佐曰吾聞將軍有將信然即以裕帥舟師自淮入泗五月至下邳留為中軍參軍

輜重步進至琅邪所過皆築城留兵守之或謂裕曰

燕人若塞大峴

山名在臨朐縣東南齊乘大峴山即穆陵關也為齊南天險

之險

或堅壁清野大軍深入不唯無功將不能自歸奈何

裕曰吾慮之熟矣鮮卑貪婪不知遠計進利虜獲退

惜禾苗謂我孤軍遠入不能持久不過進據臨朐退

守廣固必不能守險清野敢為諸君保之

南燕主起名羣臣會

議公孫五樓曰吳兵利在速戰宜據大峴使不得入

曠日延時沮其銳氣然後徐圖漸所循海而南絕其

糧道劫殺匪帥兗州之衆經山東下腹背擊之此上

策也冬命守宰依險自固校其資儲徐悉焚之使敵

無所得旬月之間可以坐制此中策也縱賊入峴出

城逆戰此下策也起曰今歲星居齊以天道推之不

用軍員知彼知
已不能料南
燕之必無公孫
五樓而能料起

之不知遠計夫
共險且難也勝
况拱手以險授
人未見敵而先
喜乃一成之勢
非奇計也

戰自克容主勢殊以人事言之後遠東疲敝勢不能
久奈何莫肯從民先自衰弱乎不如縱使入峴以情
駭之何憂不克桂林王鎮曰陛下必以騎兵利平
地者宜出峴逆戰戰而不勝猶可退守不宜縱兵入
峴自棄險固也起不從鎮出歎曰既不能逆戰又不
肯清野延敵入腹生待攻固酷似劉琨矣起聞之怒
收鎮下獄裕過大峴燕兵不出裕舉手指天喜形于色左
右曰公未見敵而先喜何也裕曰兵已過險士有必
死之志餘糧棲畝人無饋乏之憂虜已入吾掌中矣
六月裕至東莞起先遣五樓及段暉等將步騎五萬
屯臨朐間晉兵入峴自將步騎四萬往就之裕以車

四千乘為左右翼方軌徐進與燕兵戰于臨朐南日
昃時勝負未決參軍胡藩言于裕曰燕悉兵出戰臨
朐城中留守必寡願以奇兵從間道取其城此韓信
所以破趙也裕遣藩等潛師出燕兵後攻臨朐聲言
輕兵自海道進遂克之超大驚單騎就暉于城南裕
因縱兵奮擊大敗之斬暉等大將十餘人乘勝逐北
至廣固克其大城超入保小城裕築長圍守之撫納
降附采拔賢俊因齊地糧儲停江淮漕運超遣張綱

乞師于秦赦桂王鎮以為都督且問計焉鎮曰聞秦自有內患恐不暇救人今散卒尚有數萬宜悉出金帛以餌之更決一戰若天命助我必能破敵如其不然死亦為美樂浪王忠曰晉軍氣勢百倍我以敗卒當之不亦難乎秦與我如唇齒也安得不來相救超從惠計復遣韓範如秦裕圍城益急超請割地稱藩不許秦王興遣使謂裕曰今遣鐵騎十萬屯洛陽晉軍不還當長驅而進矣裕謂其使者曰語汝姚興我克燕之後息兵三年當取關洛今能自送便可速來劉穆之聞裕言尤之曰此語不足威敵適足以

怒之若廣固未拔羗寇奄至不審何以待之裕答曰
此正是兵機非卿所解夫兵貴神速彼若審能赴收
必畏我知寧容先告今設此言是自張大之辭耳晉
師不出久矣羗見伐齊殆將內懼自保不暇何能救
耶人

秋七月西秦復稱王

先是乞伏乾歸自秦逃歸苑川留世子熾磐鎮枹罕

至是復稱王

乾歸以安南焦遺為太子太師謂熾磐曰焦生非特名儒乃王佐之才也汝事

之當如事吾遺子華至孝乾歸欲以女妻之辭曰凡
娶妻者欲與之共事二親也今以王姬之貴下嫁蓬

茅之士臣懼其闕于
中饋也乾歸乃止

冬十月燕弑其君雲馮跋自立為天王

是為北燕考
晉書以馮跋為

北燕高雲則附後燕之末以雲為慕容熙
子也通鑑于雲即稱北燕今仍依晉書

燕王雲自以無功德而居位內懷危懼嘗蓄養壯士

以為腹心爪牙寵臣離班桃仁專典禁衛賞賜巨萬

衣服起居皆與之同而班仁志願無厭猶有怨憾至

是殺雲

後燕自慕容垂僭立至熙凡四主又
高雲篡位一年而亡合二十五年

馮跋升

門觀變帳下共斬班仁跋遂即天王位于昌黎以其

弟范陽公素弗錄尚書事素弗謙恭儉約以身率下

漢武懲呂后而
殺鉤弋已屬過
舉元璽乃竟以
為故事且如珪
孤弱時使非其
母舅氏懷轉奔
託義何不為實
君劉顯等所害
不足惜而立此
滅倫之法不特
周禮廢食實非
人世所宜有之

百僚憚之論者美其有宰相之度

魏拓跋紹弑其君珪齊王嗣討紹誅之遂自立

魏主珪將立齊王嗣為太子魏故事凡立嗣子輒先

殺其母乃賜嗣母劉貴人死召嗣諭之嗣性孝哀泣

不自勝珪怒嗣還舍日夜號泣珪復召之左右曰上

怒甚入將不測不如且避之嗣乃逃匿于外帷帳下

車路頭

代人

王洛兒

京兆人

隨之初珪見賀太后之妹美

殺其夫而納之生清河王紹紹克狠無賴珪嘗倒懸

井中垂死乃出之至是譴責賀夫人將殺之夫人密

使告紹曰何以救我紹夜與宦者宮人通謀踰垣入

宮弑珪嗣聞變遣洛兒入平城告將軍安同遼東人等

衆翕然響應爭出奉迎衛士執紹送嗣嗣并賀氏殺

之乃即位

諡珪曰宣武廟號列祖公卿先罷歸第者悉用之詔長孫嵩與安同奚斤崔宏等八

人坐止中門右共聽政時人謂之八公

十二月太白犯虛危

南燕靈臺令張光勸南燕王降超手殺之

庚戌六年

是歲南燕亡大國二秦魏小國六西涼南涼北涼北燕夏西秦凡八僭國

春二月劉

裕拔廣固執南燕主超送建康斬之

南燕城久閉男女病脚弱者大半出降者相繼

尚書悅壽

曰今戰士凋疲外援絕望豈可不思變通之計超歎曰廢興命也吾寧奮劍而死不能銜壁而生

劉裕

悉衆攻城或曰今日往亡不利行師裕曰我往彼亡

何為不利四面急攻之悅壽開門納晉師超哭圍出

走追獲之裕數以不降之罪超神色自若一無所言

惟以母託劉敬宣而已

先是韓範以秦兵來救會秦為夏所敗追其兵還範遂降

裕欲盡阮降附司馬光以為有智勇而無仁義不知晉南渡後久失中原之心當東夏甫收而

以屠戮為快樂
聖既拂敵心蓋
豈非仁又安所
云智邪

于裕至是裕以廣因久不下欲盡阮之以妻女賞將
士範諫曰晉室南遷中原鼎沸士民無復強則附之
既為君臣必須為之盡力彼時衣冠舊族先帝遺民
今王師弔伐而盡阮之竊恐西北之人無復來蘇之
望矣裕改容謝之然猶殺王公以下
三千人沒入家口萬餘其城隍

斬之

南燕自慕容德僭立至
起亡凡二主合十一年

盧循寇陷長沙南康

南康郡治贛縣今江西贛州府是

諸郡劉裕引軍還

三月江荆都督何無忌討徐道覆戰敗死之

諡曰忠肅

初徐道覆聞劉裕北伐勸盧循襲建康不從自至番
禺說之循乃自始興寇長沙道覆寇南康廬陵豫章

皆陷之道覆順流而下舟楫甚盛朝廷急徵裕裕方

議留鎮下邳經營司雍會得詔乃引兵還

裕以韓乾為都督八

郡軍事封融為渤海太守久之劉穆之稱範融謀反皆殺之

江荆都督何無忌自

尋陽引兵拒循與道覆遇于豫章賊令强弩數百登

山邀射乘風暴急以大艦逼之衆遂奔潰無忌厲聲

曰取我蘓武節來節至執以督戰賊衆雲集遂握節

而死中外震駭

劉裕至下邳以船載輜重自帥精銳步歸問何無忌敗死卷甲兼行將濟

江風急衆咸難之裕曰若天命助我風自當息不然覆溺何害即命登舟舟移而風止遂至建康

夏五月豫州都督劉毅及盧循戰于桑落洲

注見前

敗績

循進逼建康

毅將自拒廬循裕與書曰賊新獲利其鋒不可輕今

修船畢當與弟同舉又遣劉藩

毅從弟

諭止之毅怒謂

藩曰往以一時之功相推耳汝以我真不及劉裕邪

投書于地帥舟師二萬發姑孰五月與循戰于桑落

洲毅兵大敗棄船步走其衆皆為循所虜循聞裕已

還與其黨相視失色欲退還尋陽取江陵據二州以

劉裕用兵有進
無退聞何無忌

抗朝廷徐道覆謂宜乘勝徑進固爭累日循乃從之
裕募人為兵賞之同京口赴義之科發民治石頭城議
者謂宜分兵守津要裕曰賊衆我寡若分兵屯守賊
易測我虛實且一處失利則沮三軍之心今聚衆
石頭隨宜應付既令彼無以測又于衆力不分若徒
旅漸集徐更論耳朝廷聞劉毅敗人情恟懼時北師
始還將士多創病建康戰士不盈數千循既克二鎮
戰士十餘萬舟車百里樓船高十二丈蓋衆諸葛長

敗而兼行濟江
周唐術通建康
而固守石頭皆
所謂計不反顧
者觀其不能草
間求活之言其
見其雄智若王
仲德深明大勢
宜所言賊界相
投卒亦因此其
市並求其德之
見鳥足語此

民欲奉乘輿過江裕不聽

參軍王仲德言于裕曰明公新建大功威鎮六合妖

賊既聞凱旋自當奔潰若先自遁逃則勢同匹夫匹

夫號令何以威物裕然之果固請不已裕曰今東鎮

外傾強寇內逼人情危懸莫有固志若一旦遷動便

自土崩瓦解解江此亦豈可得至設令得至不過延日

月耳今兵士雖少自足一戰若其克濟則臣主同休

苟厄運必至我當橫尸朝門遂其以身許國之志不

能草間求活也果甚旋幸

王仲德名懿以字行太原祈人

循至淮口

秦淮入江之口中

外戒嚴琅邪王德文都督宮城裕屯石頭謂將佐曰

賊于新亭直進其鋒不可當宜且避之若迴泊西岸

此成禽耳裕登城見循軍引向新亭顧左右失色既

而廵泊蔡洲乃悅遂柵石頭淮口修治越城

在江寧縣西南

寰宇記越相

築查浦

在江寧縣西

藥園

種芍藥之所

廷尉

官寺所在

因以

三壘皆以兵守之

六月劉裕自為太尉中書監加黃鉞復辭官而受黃鉞

秋七月盧循退還尋陽劉裕遣兵追之

循寇掠諸縣無所得謂徐道覆曰師老矣不如還尋

陽并力取荊州據天下三分之二徐更與建康爭衡

耳遂還裕使王仲德等帥師追之

劉裕遣將軍孫處

字季高會稽永興人

等率兵襲番禺

劉裕還東府大治水軍遣將軍孫處沈田子

吳興武康人

自海道襲番禺衆以為海道艱遠必至為難且分撤

現力非目前之急裕不從勅處曰大軍十二月之交

必破妖虜卿至時先傾其巢窟使彼走無所歸也

循兵

守廣州者不以海道為虞處乘海奄至會大霧四面

攻之即日拔其城處撫其舊民戮循親黨勒兵謹守

分遣田子等

擊嶺表諸郡

譙縱使桓謙會秦將苟林入寇荊州刺史劉道規大破

斬之

譙縱遣使請兵于秦以謙為荊州刺史帥衆二萬寇荊州秦王興遣將軍苟林帥騎兵會之謙于道召

募舊民投之者二萬人謙屯枝江

漢縣今屬荊州府

林屯江

津士民多懷觀望道規乃會將士告之曰聞諸長者頗有去就之計吾東來文武足以濟事若欲去者不相禁也因夜開城門達曉不閉衆咸懾服莫有去者魯宗之帥衆數千自襄陽起救或謂宗之情未可測道規單馬迎之宗之咸悅道規使之居守妥以腹心

道規帥諸軍攻謙水陸齊進戰于枝江天門

吳郡今石門

縣屬湖南澧州

太守檀道濟

高平金鄉人

先進陷陳大破之謙林

皆走並追斬之初謙至枝江江陵士民皆與書言城

中虛實許為內應至是檢得之道規悉焚不視衆乃

大安桓石綏亦起兵于洛口

洛谷水入漢之口
在今漢中府洋縣界州

刺史何紹討斬之桓氏遂滅

冬十月劉裕南擊盧循

劉毅還至建康固求追討盧循長史王誕

字茂世琅邪臨沂人

道規焚書即元
武使反側子自
安意而江漢間
果成其恩無或
患焉曰中孚豚
應吉祿夫

密言于劉裕曰毅既喪敗不宜復使立功裕乃帥劉

藩檀韶

字令孫
金鄉人

等南擊循以毅監留府

徐道覆寇江陵劉道規大破之

徐道覆帥衆三萬趣江陵奄至破冢

在江岸
之東

江漢士

民感劉道規焚書之恩無復貳志道規使劉遵

臨淮
人

別為遊軍自拒道覆于豫章口前驅失利遵自外橫

擊大破之斬首萬餘級餘多赴水死道覆單舸走還

潞口

十二月劉裕及盧循戰于大雷

注見前

又戰于左里

即左縣城

右在今江西南

康府鄱陽縣

大破之循及徐道覆南走裕遣將軍劉

藩等追之

劉裕軍雷池盧循揚聲不攻雷池當乘流徑下裕知

其欲戰進軍大雷循及徐道覆帥衆數萬塞江而下

裕悉出輕騎及水軍擊之又分步騎屯于西岸先備

火具裕以勁弩射循軍因風水之勢以蹙之循艦悉

泊西岸岸上軍投火焚之循道覆兵大敗將趣豫章

乃悉力柵斷左里裕至攻之麾兵將進麾折幡沈衆
皆懼裕笑曰往年覆舟之戰如是今乃復見必破賊
矣即破柵而進殺溺死者萬餘人循收散卒徑還將
禹道覆走始興裕遣劉藩孟懷玉平昌安邱人等追之遂
還建康



御批歷代通鑑輯覽卷三十五

欽定四庫全書

史部

御批歷代通鑑輯覽卷三十六

詳校官侍講臣王燕緒

編修臣裴謙覆勘

總校官進士臣程嘉謨

校對官學錄臣謝登雋

膳錄監生臣汪應鑒

欽定四庫全書

御批歷代通鑑輯覽卷三十六

晉

安皇帝

義熙七年春正月西秦復降于秦

秦使太尉索陵鎮隴西招撫西秦乞伏乾歸遣使謝

罪請降秦拜乾歸河南王太子熾磐平昌公

已而西秦復叛

攻隴西索陵以

郡降于西秦

秦王興命羣臣舉賢才

秦王興命羣臣搜舉賢才右僕射梁喜曰臣累受詔而未得其人世可謂乏才矣興曰自右帝王之興未嘗取相于昔人待將于將來隨時任才皆能致治卿自識拔不明安得遠誣四海乎羣臣咸悅

二月劉藩等克始興斬徐道覆

三月劉裕始受太尉中書監之命

裕以劉穆之為司馬穆之舉孟昶故吏謝晦

字宣明安兄據

之曾 孫裕以為參軍晦博瞻多通裕深加賞愛

夏四月盧循寇番禺不克走交州刺史杜慧度

交趾朱載人

擊斬之

孫處拔番禺

事見前

城守已固盧循收兵至遂圍之處

拒守二十餘日沈田子言于劉藩曰番禺本賊巢穴

恐有內變乃引兵擊之循兵屢敗遂奔交州至龍編

津

後漢書郡國志交趾郡治龍編水經注立州之始蛟龍蟠編于水南北二津故名

刺史杜

慧度悉散家財以賞軍士與循合戰擲雉尾炬

胡三省注

雄雉即今大
前之篇蓋蟠
蟠

竹草束于箭燃
大信射去中物
即火起耳胡三
省注辭費而我
昧且雉尾亦斷
不能如孔雀之
散開也

束草之一頭施鐵鏃草
其尾散開如雉尾然
焚其艦以步兵夾岸射之循

艦燃衆潰自投于水慧度取尸斬首函送建康

秋七月桑然獻馬求昏于燕

桑然可汗斛律遣使獻馬求昏于燕燕羣臣議公主
不宜下降燕王跋曰朕方崇信殊俗奈何棄之乃以
其女妻斛律跋勤于政事勸課農桑省徭役薄賦歛
每遣守宰必親引見問為政之要以觀其能燕人悅
之

壬子八年

西秦玉乞伏熾磐永康元年北涼元始元年

夏四月以劉毅都督荆

寧秦雍軍事

荊州刺史劉道規以疾求歸詔以劉毅代之

道規在州累年

秋毫無犯及歸府庫帷幕儼然若舊隨身甲士二人遷席于舟中道規刑之于市未幾道規卒毅性

剛愎自謂功與裕埒雖權事推裕而心不服及居方

岳常快快不得志裕每柔而順之毅驕縱滋甚及敗

于桑落

事見前

知物情去已彌復憤激裕素不學而毅

頗涉文雅故朝士有清望者多歸之與僕射謝混丹

裕不遠除殺非
真謂殺有克復
功不自相圖也
蓋是時殺從弟
潘方鎮廣陵恐
激變則合謀舉
事露生肘腋耳
觀裕殺諸葛長
民及樂司馬休
之其驚處可慨
見矣

陽尹郁僧施

起從孫

深相憑結既據上流陰有圖裕之

志求兼督交廣以僧施為南蠻校尉毛修之為南郡

太守裕皆許之

殺復表求至京口辭墓裕往會之將軍胡藩言于裕曰公謂劉衡軍終能

為公下乎裕默然久之曰卿謂何如藩曰連百萬之眾攻必取戰必克殺固以此服公至于涉獵傳記一談一詠自許以為雄豪以是搢紳白面之士咸歸之恐終不為公下不如因會取之裕曰吾與殺俱有克復之功其過未彰不可自相圖也

六月西秦乞伏公府

國仁之子

弒其君乾歸秋八月世子熾

磐討殺之而自立

乞伏公府弑西秦王乾歸及其子十餘人走保大夏

注見前

熾磐遣其弟智達討之秦人多勸秦王興乘亂

取熾磐興曰伐喪非禮也夏王勃勃欲攻之亦以王
買德言而止智達擊破公府獲而輟之熾磐自立為
河南王遷都枹罕

皇后王氏崩

九月葬僖皇后

冬十月劉裕帥師襲荊州殺都督劉毅

毅至江陵多變易守宰輒割江豫文武兵力萬餘人
以自隨會疾篤郗僧施勸毅請從弟兗州刺史藩以
自副劉裕偽許之藩自廣陵入朝裕以詔書罪狀毅
以藩及謝混共謀不軌賜藩混死遂帥諸軍發建康
王鎮惡請給百舸為前驅晝夜兼行揚聲言劉兗州
謂劉藩時荊州尚未知藩死故偽言之
西上十月至豫章口注見前去江

陵城二十里捨船步上

舸留一二人對舸岸上立六七旂旂下置鼓語所留人計

我將至城便鼓嚴令若後有大
軍狀又分遣人燒江津舸艦

鎮惡徑前襲城未至

五六里毅乃覺之行令閉諸城門未及下關鎮惡已馳入與城內兵鬪兵散毅帥左右突出夜投佛寺寺僧拒之乃縊而死裕至江陵殺郝僧施毛修之素自

結于裕特宥之

初謝混與毅款昵混從兄澹常以為憂漸與之疎且謂弟璞曰益壽此性

終當破家至是果驗毅從父鎮之聞居京口不應辟召嘗謂毅及藩曰汝輩才器足以得志但恐不久耳我不就爾求財位亦不同爾受罪累每見毅藩導從到門輒詬之毅甚敬畏至是裕奏徵為散騎常侍固辭不至

謝澹字景恒

安之孫益壽謝混小字

壯涼遷于姑臧

先是北涼拔姑臧至是蒙遜徙都焉大赦改元稱河西王置官僚

十二月遣益州刺史朱齡石

字伯兒沛郡人

帥師伐蜀

劉裕謀伐蜀以齡石有武幹練吏職以為益州刺史

率將軍臧熹蒯恩

字道恩蘭陵人

劉鍾

字世之彭城人

等伐蜀裕與

齡石密謀曰往年劉敬宣出黃虎

地名近涪城今四川綿州梓潼縣有

黃蘆城蓋黃虎之訛也

無功而還賊謂我今應從外水往而料

我當出具不意猶從內水來也如此必以重兵守涪

千里襲人機事
不露敵人罕為
之備賊書別函
至期開視可謂
有卓識

城以備內道若向黃虎正墮其計今以大眾自外水
取成都疑兵出內水此制敵之奇也裕又慮此聲先
馳賊審虛實別有函書封付齡石署函邊曰至白帝
乃開諸軍雖進而未知處分所由

劉裕自加太傅揚州牧復辭不受

癸丑九年

夏鳳翔元年

春二月劉裕還建康三月殺豫州刺史

諸葛長民

初裕之西征也留長民監留府事而疑其難獨任乃

加劉穆之建武將軍置吏給兵以防之既而長民驕縱貪侈懼裕歸按之聞劉毅被誅謂所親曰往年醢彭越今年殺韓信禍其至矣問穆之曰人言太尉與我不平何以至此穆之曰公所流遠征以老母稚子委節下若一毫不盡豈容如此長民意乃小安

長民弟黎

民說長民因裕未還國之長民猶豫未發既而歎曰貧賤常思富貴富貴必履危機今日欲為丹陽布衣豈可得邪因遺冀州刺史劉敬宣書曰盤龍專擅自取夷滅異端將盡世路方夷富貴之事相與共之敬宣報曰下官常懼福過災生方思避盈居損富貴之旨非所敢當且使以書呈裕裕曰何壽故為不負我

也盤龍劉毅小字

穆之憂長民為變問參軍何承

天東海承天曰公昔年自左里還入石頭甚脫爾猶言

輕脫今還宜加重慎穆之曰非君不聞此言至是裕自

江陵東還前刻至日而每淹留不進長民與公卿頻

日候于新亭二月晦裕乃輕舟徑進潛入東府三月

朔長民間之驚趨至門裕伏壯士丁昨等于幔中引

長民卻人密語昨自幔後出拉殺之輿尸付廷尉并

殺其三弟

詔申土斷之法併省流寓郡縣

劉裕上表曰大司馬溫以民無定本傷治為深庚戌

土斷

事見前

以一具業于時財阜國豐實由于此今漸

頽弛請申前制于是依界土斷諸流寓郡縣多所併省

夏築統萬城

今陝西榆林府懷遠縣有夏州故城元和志夏州即赫連勃勃所都其城土色白而

固牢

夏王勃勃以叱干

代北複姓

阿利領將作大匠發夷夏十

射甲不入斬弓
人入則斬甲匠
是矢人函人斷
無兩全之道矣
繕器固貴精利
程材亦有常經
阿利雖殘忍不
應使人無可措
手處蓋傳聞者
過甚其辭耳

萬人築都城于朔方黑水之南

水經注奢延水又東黑水入焉赫連夏于

此築城也奢延水即無定河在榆林黑水在鄂爾多斯右翼中旗西南蒙古名庫葛爾黑河曰朕

方統一天下君臨萬邦新城宜名統萬

阿利性巧而殘忍蒸土築

城雖入一寸即殺作者而并築之勃勃以為忠委任

之凡造兵器成呈之工人必有死者射甲不入則斬

弓人入則斬甲匠

由是器物皆精利

秋七月朱齡石入成都譙縱走死詔齡石監六郡軍事

齡石等至白帝發函書曰衆軍悉從外水取成都臧

熹從中水

即雒江出什邡縣西北合綿湔牛鞞諸水隨地易名而中水為其通稱下流至瀘州

入取廣漢

晉廣漢郡治廣漢故城在今潼川府遂寧縣

老弱乘高艦從內

水向黃虎于是諸軍倍道兼行譙縱果使譙道福以

重兵守涪城備內水齡石至平模

即彭模注見前

去成都二

百里縱遣侯暉夾岸築城以拒之齡石謂劉鍾曰今

賊嚴兵固險攻之未必可拔且欲養銳以伺其隙何

如鍾曰不然前聲言大衆向內水道福不敢捨涪城

今重軍猝至侯暉之徒已破膽矣所以阻兵守險是

其懼不敢戰也因而攻之其勢必克若援兵相守彼

攻城之法急則鋒銳莫擇緩則人覘虛實不特堅壁清野可虞而外援忽至腹背受敵益受制于人矣劉鍾數語可謂知兵

將知人虛實涪軍忽來并力拒我求戰不獲軍食無資大事去矣齡石從之七月攻其北城克之斬侯暉南城亦潰于是捨船步進賊營望風相次奔潰縱棄城出走齡石遂入成都誅縱宗親餘皆安堵使復其業縱出辭墓其女曰走必不免抵取辱焉死于先人之墓可也不從去投道福不納乃縊而死詔以齡石進監梁秦州六郡諸軍事

縱出走時尚書令馬軌封庫以待晉師晉師既

入齡石徙馬軌于越雋軌曰朱侯不送我京師欲滅口也我必不免乃盥洗而卧引繩而死

甲寅十年

魏神瑞元年是歲南涼亡大國二秦魏小國五西涼北涼燕夏西秦凡七僭國

春三月

劉裕廢譙王又思為庶人

荆雍都督司馬休之頗得江漢民心子譙王又思

繼譙

王尚之後

在建康性凶暴好通輕俠劉裕惡之有司奏文

思擅殺國吏詔誅其黨而宥文思休之上疏謝罪請

解所任裕不許而執文思送之令自訓厲欲使殺之

休之但表廢文思以書陳謝裕不說使江州刺史孟

懷玉兼督豫州六郡以備之

夏五月秦尚書令姚弼

興庶子

有罪免

秦廣平公弼有寵于秦王興

弼先為雍州刺史姜紀諂而附之勸弼求入朝

興召以為尚書令弼遂結興左右謀傾東宮

僕射梁喜等言于興曰父子

之際人所難言然君臣之義不薄于父子故臣等不得默然廣平公弼潛有奪嫡之志道路皆言陛下將有廢立之計信有之乎興曰豈有此耶喜曰苟無之則陛下愛弼適所以禍之願去其左右損其威權非特安弼乃所以安宗社也興不應會興有疾弼潛聚

衆欲作亂將軍劉羌泣以告興梁喜等復請誅弼興

不得已乃免弼尚書令還第

久之興有疾弼謀作亂聚兵于第興聞之怒收

弼黨唐盛孫元誅之將殺弼太子泓流涕同請乃赦之

西秦襲滅南涼以儋檀歸殺之

南涼自秃髮烏孤至儋檀亡凡三主合十八年

唾契

欺訖反

汗乙弗

通典乙弗敵在吐谷渾北其西有契翰一部

等部叛南

涼南涼王儋檀欲討之孟愷諫曰今年饑饉百姓不

安不如與熾槃結盟通糴慰撫雜部足食繕兵俟時

而動儋檀不從以太子虎臺守樂都自帥騎七千襲

乙弗大破之西秦王熾磐聞之帥步騎二萬襲樂都
一夕城潰熾磐入城徙虎臺及其文武百姓萬餘戶
于枹罕傳檀將士聞亂皆逃散傳檀曰四海之廣無
所容身吾老矣寧見妻子而死遂歸于熾磐熾磐待
以上賓之禮已而酖殺之并殺虎臺熾磐復稱秦王

得檀子保周賀俱奔河西久之奔魏魏主嗣
愛賀之才謂曰卿之先與朕同源賜姓源氏

秋八月魏遣于什門名簡代人以字行如燕

魏主嗣遣謁者于什門使于燕至和龍不肯入見曰

大魏皇帝有詔須馮王出受然後敢入燕王跋使人
牽逼令人什門不拜跋使人按其項什門曰馮王若
拜受詔則吾自以賓主禮見何苦見逼邪跋怒幽執
什門欲降之什門終不屈久之衣冠弊壞畧盡機強
流溢跋遺之衣冠什門不受

九月丁巳朔日食

冬十一月魏遣使者巡行諸州

校閱守宰資財非家所齎者悉薄為賦

乙卯十一年春正月劉裕帥師擊荊州三月都督司馬休之拒戰衆潰休之奔秦

劉裕收司馬休之次子文寶兄子文祖賜死自領荆

州刺史將兵擊之以將軍劉道憐

裕中弟

監留府事劉

穆之兼右僕射事皆決焉雍州刺史魯宗之自疑不

為裕所容與其子竟陵太守軌

一名泉齒

起兵助休之休

之上表罪狀裕勒兵拒之

裕密書招休之錄事韓延之延之復書曰辱疏知以

裕知韓延之忠于所事故事已者皆效之獨不思已亦晉臣乎

譙王前事親帥戎馬遠復西畿長增歎息司馬平日體國忠貞疑懷待物以公有匡復之勲家國蒙賴推

德委誠每事詢仰譙王見勅自表遜位又奏廢之所
不盡者命耳而公以此遽興兵甲所謂欲加之罪其
無辭乎劉裕足下海內之人誰不見足下此心而欲
欺誑國士自謂處懷期物自有由來夫劉藩死于閭
閻諸葛斃于左右甘言詭方伯襲之以輕兵今又伐
人之君陷人于利真可謂處懷期物自有由來乎吾
誠鄙劣嘗聞道于君子以平西之至德寧可無授命
之臣乎假令天長喪亂九流渾濁當與臧洪遊于地
下耳裕視書歎息以示將佐曰事人當如此矣延之
以裕父名翹字顯宗乃更其字曰顯宗名其子曰翹
以示不臣劉氏

韓

裕遂使參軍檀道濟朱超石

齡

延之南陽潁陽人

弟將步騎出襄陽江夏太守劉虔之

彭城呂人
世居京口

聚糧

以待魯軌襲擊殺之裕又使婿徐達之

東海

統蒯恩

沈淵子

林子之兄

出江夏口與軌戰敗皆死裕怒甚帥諸

將濟江休之兵臨峭岸裕軍士無能登者裕自被甲

欲登諸將諫不從怒愈甚主簿謝晦前抱持裕裕抽

劍指晦曰我斬卿晦曰天下可無晦不可無公將軍

胡藩以刀頭穿岸劣

猶言少

容足指騰之而上隨者稍

衆直前力戰休之兵稍却裕兵乘之休之兵遂大潰

裕克江陵休之宗之皆走軌留石城

今安陸府城注見前

裕尋

遣兵攻破石城休之與宗之軌等俱奔秦

宗之秦得士民心爭

為之衛送出境未幾卒休之未敗時宗室司馬道賜
為劉敬宣參軍殺敬宣以應休之為敬宣府吏所殺
夏五月劉裕劍履上殿入朝不趨贊拜不名

北涼遣使上表內附

益州刺史朱齡石遣使詣北涼喻以朝廷威德北涼
王蒙遜遣使詣齡石且上表言伏聞車騎將軍裕欲
清中原願為右翼驅除戎虜

秋七月辛卯晦日食

魏荐饑

魏比歲霜旱雲代民多饑死太史令王亮言于魏主

嗣曰按識書魏當都鄴可得富樂嗣以問羣臣博士

祭酒崔浩特進周澹

京兆鄴人

以為不可

曰遷都于鄴可救今年之饑非

長久計也山東人以國家居廣莫之地人畜無涯號曰牛毛之衆今留兵守舊都分家南徙不能實諸州之地情見事露恐四方皆有輕侮之心且百姓不便水土疫死必多而舊都兵少屈丐桑然將有窺窬之心朝廷隔恒代千里之險難以赴救此則聲實俱損也今居北方來春草生湮酪將出兼以萊果得及秋熟則事濟矣嗣曰今倉廩已竭若來秋又饑若之何對曰宜簡饑貧之戶使就食山東若來秋復饑當更圖之但方今不可遷都耳屈丐即赫連嗣從之嗣勃勃魏明元帝名勃勃為屈丐言卑下也

又躬耕藉田勸課農桑明年大熟民遂富安初浩為
嗣講易洪範嗣因問天文術數浩占決多驗由是有
寵凡軍國密謀皆預之

熒惑不見八十餘日復出東井秦大旱

魏太史奏熒惑在匏瓜

星名在天津南

中忽亡不知所在

法當入危亡之國先為童謠訛言然後行其禍罰魏
主嗣召名儒數人與太史議熒惑所詣崔浩曰春秋
傳神降于莘以其至之日推知其物

國語周惠王十五年有神降于

緯星伏地進退
推步原即可得
崔浩襲左氏神
降之象辭傳會
占驗實好奇之
過適足為有識
者所鄙耳

萃內史過曰其丹朱乎神之
見也不過其物浩據此為言
今熒惑之亡在庚午辛

未二日之間庚午主秦辛為西夷熒惑其入秦乎後

八十餘日果出東井留守鉤已

謂環繞而行如久之
鉤又成巳字也

乃去秦大旱昆明池竭童謠訛言國人不安間一歲

而亡

丙十二年

秦主姚泓永和元
年魏泰常元年

春正月劉裕自加都督二

十二州軍事

二月秦姚弼姚悞

興庶子

作亂伏誅秦王興卒太子泓立

秦王興如華陰使太子泓監國興疾篤還長安弼黨侍郎尹冲謀作亂不果興既入宮疾轉篤南陽公愔即與尹冲帥兵攻端門興力疾臨前殿賜弼死禁兵見興喜躍爭進擊賊愔等大敗興乃引東平公紹興之弟及姚讚梁喜等入受遺詔明日卒泓祕不發喪捕愔等誅之乃即位稱皇帝

三月劉裕自加中外大都督戒嚴伐秦詔遣琅邪王德文修敬山陵

秋八月劉裕督諸軍發建康

寧州獻琥珀枕于劉裕裕以琥珀治金瘡命碎之以

賜北征將士以世子義符為中軍將軍監留府事劉

穆之領軍司入居東府總攝內外司馬徐羨之

字宗文東

海郊人副之遂發建康遣將軍王鎮惡檀道濟將步軍

自淮淝向許洛朱超石胡藩趨陽城沈田子傳弘之

字仲度北地泥陽人趨武關沈林子

田子之弟劉遵考

裕疾弟將水軍

出石門自汴入河以王仲德督前鋒開鉅野入河

水經

注濟水故瀆又北右合洪水洪水上承鉅野桓溫北
伐掘渠通濟劉武帝西入長安又廣其功濟水故

瀆在今山東曹州府荷澤諸縣界鉅野注見前穆之謂鎮惡曰公今委卿以

伐秦之任卿其勉之鎮惡曰吾不克關中誓不復濟

江穆之內總朝政外供軍旅決斷如流事無壅滯求
訴咨稟盈階滿室穆之目覽耳聽手答口酬不相

參涉悉皆瞻舉又喜賓客談笑無倦性奢豪食必方
丈未嘗獨餐嘗白裕曰穆之家本貧賤瞻生多闕自
叨忝以來朝夕所須微為過裕至彭城王鎮惡擅道
豐然此外一毫不以負公

濟入秦境所向皆捷秦諸屯守望風歟附道濟遂至

許昌沈林子自汴入河克倉垣王仲德入魏滑臺

仲德

水軍入河將逼滑臺魏兗州刺史尉建棄城北渡仲德遂入城魏主嗣聞之遣叔孫建等引兵濟河斬尉建于城下呼晉軍問以侵寇之狀仲德使人對曰劉太尉使王征虜自河入洛掃清山陵借空城以息兵行當西引無損于好也嗣又使建問裕裕謝之曰晉欲伐秦故假道于魏非敢為不利也

冬十月將軍檀道濟克洛陽

秦陽城榮陽成臯虎牢相繼來降檀道濟等長驅而進秦陳留公洸鎮洛陽遣將軍趙元守柏谷

注見前

元

戰敗被十餘創具司馬蹇鑒冒刃抱元而泣元曰吾創已重君宜速去鑒曰將軍不濟鑒去安之與之皆

死道濟遂進逼洛陽洗出降道濟獲秦人四千餘議者欲盡阮之道濟曰弔民伐罪正在今日皆釋而遺之于是夷夏感悅歸者日衆

詔遣司空高密王恢之

彭城王絃之子俊嗣高密孝王畧恢之其孫也

修謁五

陵

十二月劉裕自加相國揚州牧封宋公備九錫復辭不受

裕遣長史王弘

字休元珣之子

還建康諷朝廷求九錫時劉

穆之與裕比肩
為晉臣何至委
心歸命甚以九
錫推奉不自已
出身懼而死所
謂小人徒自苦
爾

穆之掌留任而旨從北來穆之由是愧懼發病詔以
裕為相國總百揆封十郡為宋公備九錫之禮裕辭
不受

西秦遣使內附

西秦王熾磐遣使詣太尉裕求擊秦自效裕以為平

西將軍河南公

丁巳十三年

西涼公李歆嘉興元年是歲秦亡大國一
魏小國五西涼北涼燕夏西秦凡六僭國春

正月甲戌朔日食

秦朝會前殿君臣相泣

劉裕引水軍發彭城

二月西涼公李暠卒世子歆

字士業

立

暠寢疾遺命長史宋繇曰吾死之後世子猶卿子也
善訓導之及卒官屬奉世子歆為涼公以繇錄三府
事

三月將軍王鎮惡攻潼關與秦太宰姚紹戰大破之
王鎮惡進軍潼關檀道濟沈林子自陝北渡河攻蒲

坂不克秦王泓進魯公紹

東平改封

太宰督將軍姚鸞等

步騎五萬守潼關遣別將姚驢救蒲坂林子謂道濟
曰蒲坂城堅兵多不可猝拔不如還與鎮惡并力以
爭潼關若得之則蒲坂不攻自潰矣道濟從之三月
至潼關紹引兵出戰道濟等奮擊大破之紹遣姚鸞
絕晉糧道林子夜襲殺鸞紹又遣東平公讚屯河上
以斷水道林子又擊走之

劉裕遣使假道于魏魏遣兵屯河北裕遂引兵入河

劉裕將水軍自淮泗入清河

自淮入泗自泗入清將清即濟水也注見前

沂河西上先遣使假道于魏秦主泓亦遣使求救于魏魏主嗣使羣臣議之皆曰秦婚姻之國不可不救宜發兵斷河上流令勿得西崔浩曰裕圖秦久矣今乘其危而伐之其志必取若遏其上流裕必上岸北侵是我代秦受敵也不若聽裕西上然後屯兵以塞其東使裕克捷必德我之假道不捷吾不失救秦之名此策之得者也且南北異俗借使國家棄恒山以

大鍾斷稍蓋史
家夸挺之詞與
引竿為弓注矛
作矢同一無稽
失實

行裕遣兵擊之于河上大破之

時晉船有漂渡北岸者輒為魏人所殺掠

等將兵十萬屯河北岸裕引軍入河魏人隨裕軍西

闕助我此必聲西而實北也嗣乃遣長孫嵩阿薄干

曰裕西入闕則恐吾斷其後北上則姚氏必不能出

南裕必不能以吳越之兵守之安能為吾患議者猶

裕遣軍擊之輒走退則復來裕乃遣丁旽帥仗士七
百人車百乘渡北岸去水百餘步為却月陣兩端抱
河車置七仗士事畢使豎一白旆裕先命朱超石戒
嚴旆舉超石帥二千入馳赴之魏人以三萬騎來薄
超石斷稍千餘皆長三四尺以大鍾鎚之一稍輒洞
貫三四人魏兵奔潰斬其將阿薄干魏主嗣乃恨不

用崔浩之言 白牝
續羽為之牝而至反

弘農人送義租給王鎮惡等軍

將軍王鎮惡等進攻潼關久之乏食衆心疑懼欲棄輜重還赴大軍沈林子按劍怒曰今許洛已定關右將平事之濟否繫于前鋒奈何沮乘勝之氣棄垂成之功乎鎮惡乃至弘農說諭百姓競送義租軍食復振田子遂擊破姚紹軍

紹屯河北絕晉糧援

紹憤愧嘔血而卒

夏四月劉裕入洛陽

赫連勃勃謂姚
興死已必得長
安崔浩謂長安
終為魏有兩人
之言信若左券

齊郡太守王懿降魏上書言劉裕在洛宜發兵絕其

歸路可不戰而克魏主嗣善之

崔浩侍講在前嗣問之曰劉裕伐姚興克

乎對曰克之姚興好事虛名而少實用子泓懦弱凡
弟爭裕乘其危兵精將勇何故不克嗣曰裕才何
如慕容垂對曰垂藉父兄之資修復故業國人歸之
若夜蟲之就火易以立功裕奮起寒微不階尺土討
滅桓元興復晉室北禽慕容超南梟盧循所向無前
其才優矣嗣曰裕既入關不能進退我以隋騎直倚
彭城裕將若之何對曰今屈丐柔然伺我之隙而諸
將用兵皆非裕敵興兵遠攻未見其利不如靜以待
之裕克秦而歸必募其主閭中華戎雖錯風俗動悍
裕欲以荆揚之化施之函秦此無異解衣包火張羅
捕虎雖留兵守之適足資敵耳願且按兵息民以觀
其變秦地終為國家之有可坐而守也嗣笑曰卿料

然勃勃能取而不能治故先得而速失魏則粗有紀綱是以得之雖較遲而守之亦稍久此又得失之林以事卜之益不與矣

之審矣浩曰臣嘗私論近世將相若王猛之治國符堅之管仲也慕容恪之輔幼主慕容暉之霍光也劉裕之平禍亂司馬德宗之曹操也嗣大悅語至夜半賜御醪醪十觚水精鹽一兩曰朕味卿言如此故欲共饗其美

秋八月將軍王鎮惡入長安秦主泓出降九月劉裕至

長安送泓詣建康斬之

後秦自姚萇據長安至泓亡凡三主合三十四年

先是沈田子傳弘之入武關進屯青泥

城名在西府藍田縣亦曰

峽柳城元和志峽柳城俗亦謂之青泥城

秦主泓自將擊之大敗而還

時太

尉裕已至閬鄉泓欲自將禦之恐田子等襲其後欲先擊滅田子等然後傾國東出乃帥步騎數萬奄至

青泥田子等所領戍千餘人秦兵圍之數重田子慰撫士卒曰諸君遠來正求此戰死生一決封侯之業于此在矣士卒皆踊躍鼓譟執短兵奮擊秦兵大敗泓奔還霸上

已裕至潼關王鎮

惡請帥水軍自河入渭以趨長安裕許之秦主泓使姚丕守渭橋以拒之鎮惡泝渭而上乘蒙衝小艦行船者皆在艦內秦人但見艦進驚以為神至渭橋鎮惡令軍士食畢皆持仗登岸後者斬既登即密使人解放舟艦渭水迅急倏忽不見乃喻士卒曰此為長安北門去家萬里舟楫衣糧皆已隨流今進戰而勝

則功名俱顯不勝則骸骨不返無他岐矣乃身先士

卒衆騰踊爭進大破姚丕軍泓引兵救之為敗卒所

蹂踐不戰而潰鎮惡入自平朔門

泓將出降其子佛念年十一言于泓

曰晉人將逞其欲雖降必不免不如引決泓撫然不應佛念登宮牆自投死

泓乃將妻子

羣臣詣壘門降鎮惡以屬吏城中夷晉六萬餘口鎮

惡以國恩撫慰號令嚴肅百姓安堵九月裕至長安

收秦器

鐘鼎之屬

渾儀

注見前

土圭

周禮大司徒以土圭之法測土深正日景

以求記里鼓

亦曰大章車所以識道里車上有二層皆有木人行一里下層擊鼓行十里上

層擊

指南車

亦名司南車駕四馬其下制如樓三級四角金龍銜利葆刻木為仙人立車上

車雖回轉手常指南

送建康餘金帛珍寶皆以頒將士送姚泓

至建康斬之

北涼王蒙遜聞裕滅秦怒甚門下拔郎劉祥入言事蒙遜曰汝聞劉裕入關敢

研研然也斬之

夏人進據安定

夏王勃勃聞裕伐秦曰裕取關中必矣然不能久留

必將南歸若留子弟諸將守之吾取之如拾芥耳乃

秣馬養士進據安定嶺北郡縣皆降之裕遣使遺勃

勅書約為兄弟勅報之

冬十月劉裕自進爵為王增封十郡復辭不受

十一月劉穆之卒

十二月劉裕東還留子義真都督雍梁秦州軍事

裕欲留長安經畧西北而諸將佐久役思歸多不欲

留會聞劉穆之卒裕以根本無托決意東還欲以王

弘代穆之謝晦曰休元輕易不若羨之乃以徐羨之

為丹陽尹管留任而以次子義真

時年十三

為安西將軍

奸雄竊命晉宋一轍劉裕始自加相國揚州牧封宋公備九錫及此進爵為王並辭不受皆效尤司馬昭其諷詐視穆之更甚蓋師為恭順以欺天下耳目其賢基過之跡欲益禍彰而蕭齊隨踵其故智豈非天道好還哉

守關中王修

京兆人

為長史王鎮惡為司馬沈田子毛

德祖

瑒宗人

傳弘之皆為參軍從事關中人素重王猛

而是役也鎮惡功為多故南人忌之沈田子與鎮惡

爭功尤不平裕將還田子等屢言鎮惡家在關中不

可保信裕曰鍾會不得遂其亂者以有衛瓘故也語

曰猛獸不如羣狐卿等十餘人何懼鎮惡邪

三秦父老聞裕

將還詣門流涕曰殘民不沾王化于今百年始覩衣冠人人相賀長安十陵公家墳墓咸陽宮殿君家室宅倍此欲何之乎裕為之愍然慰俞遣之十二月裕發長安自洛入河開

汴渠以歸

閏月夏王勃勃遣兵向長安

夏王勃勃聞劉裕東還大喜召王買德問計買德曰

關中形勝之地而裕以幼子守之狼狽而歸正欲急

成篡事不暇復以中原為意此天以關中賜我不可

失也青泥

注見前

上洛

漢縣晉為郡今陝西商州是

南北之險宜先

遣遊軍斷之東塞潼關絕其水陸之路然後傳檄三

輔施以恩德則義真在網罟之中不足取也勃勃乃

使其子瓚帥騎二萬向長安別將屯青泥及潼關而
自將大軍為後繼

戊午十四年

夏昌武元年

春正月王鎮惡沈田子帥師拒夏兵

田子矯殺鎮惡安西長史王修討田子斬之參軍傅弘
之擊夏兵卻之

夏赫連瓚至渭關中民降之者屬路沈田子將兵拒
之畏其衆盛不敢進王鎮惡曰公以十歲兒付吾屬
當共竭力而擁兵不進虜何由得平遂與田子俱出

田子與鎮惡素有相圖之志至是益忿懼軍中又訛
言鎮惡欲盡殺南人據關中反田子遂請鎮惡至傅
弘之營計事因屏人語使人斬之矯稱受太尉令義
真與王修被甲登門以察其變修執田子數以專戮
而斬之弘之破夏兵夏兵乃退

以劉義隆

即宋文帝

為荊州刺史

劉裕欲以世子義符鎮荊州張邵

字茂宗吳人

諫曰儲貳

之重四海所繫不宜居外乃以義隆為荊州刺史以

到彥之

楚屈到之後以名為氏彥之字道豫彭城武原人

張邵王曇首

珣之子

王華

字子陵雲首從祖弟

等為參佐義隆尚幼府事皆決于邵

裕謂義隆曰曇首沈毅有器度宰相才也汝每事諮之

夏六月劉裕始受相國宋公九錫之命

裕既受命崇繼母蕭氏為太妃以孔靖

字季恭愉之孫

為尚

書令王弘為僕射傅亮

字季友咸之元孫

蔡廓

字子度濟陽考城人

為

侍中謝晦為右衛將軍殷景仁

陳郡長平人

為秘書郎靖

辭不受

景仁學不為文敏有思致口不談義深達理體至于國典朝儀舊章記注莫不撰錄識者

知其有當世之志

冬十月以西涼公李歆為鎮西大將軍

歆遣使來告襲位故有是命仍封酒泉公

劉義真殺其長史王修關中大亂十一月夏王勃勃陷
長安義真逃歸

劉義真賜與無節王修每裁抑之左右皆怨譖修欲
反義真殺之于是人情離駭莫相統一義真悉召外

兵閉門拒守關中郡縣悉降于夏夏王勃勃進據咸陽長安樵采路絕劉裕聞之使蒯思召義真東歸而以朱齡石守關中謂曰卿至可救義真輕裝速發出關然後徐行若關右必不可守可與義真俱歸十一月齡石至長安義真將士大掠而東多載寶貨子女方軌徐行日不過十里傳弘之諫不聽赫連璜帥衆追之弘之蒯思斷後力戰連日至青泥大敗為夏兵所禽義真左右盡散獨逃草中參軍段宏追尋得之

束之于背單馬而歸勃勃欲降傅弘之弘之不屈而死長安百姓逐朱齡石齡石焚宮殿奔潼關夏兵追

殺之

裕聞青泥之敗未知義真存亡悲甚刻日北伐謝晦固諫會得段宏啟知義真得免乃止但登

城北望慨然流涕而已

夏王勃勃稱皇帝

彗星見

彗星出天津

箕四星一曰天津又曰天漢經尾箕之間謂之漢津

入太微經北

斗絡紫微

太微在北斗南紫微在北斗北

八十餘日而滅魏主嗣復

國識本屬荒誕
而生子命名亦
非后所得專若
謂簡文早見昌
明之識更不應
聽后內夢名子

名諸儒術士問之曰今四海分裂咎在何國朕甚畏
之卿具無隱崔浩曰災異之興皆象人事人事無釁
又何畏焉昔王莽將篡異亦如此今國家主尊臣卑
民無異望晉室陵夷危亡不遠豈之為異其劉裕將
篡之應乎

十二月劉裕弑帝于東堂奉琅邪王德文即位

是為恭帝

裕以識云昌明之後尚有二帝

晉書孝武帝紀初簡文帝見識云晉祚盡

昌明及孝武帝在孕李太后夢神人謂之曰汝生男以昌明為字及產東方始明因以為名簡文後悟乃

此識語淺顯初
不難知何待後
而始悟其什之
都鄙誠非邪此
蓋劉裕偽造託
言定數以掩其
逆謀史氏不加
詳察妄為推恰
耳

深帝又安帝紀識云昌明之後
乃使中書侍郎王韶

有二帝劉裕將行禪代欲應之
之字休泰與帝左右密謀弑帝而立德文德文常在

帝左右韶之不得間會德文有疾出居于外韶之以

散衣縊帝于東堂因稱遺詔奉德文即位

以北涼王蒙遜為涼州刺史

蒙遜稱藩故有是命

恭皇帝

巳元熙元年夏真興元年春正月立皇后褚氏

蔡休平陵

在江寧府上元縣

二月夏主勃勃還統萬

夏羣臣請都長安夏主勃勃曰朕豈不知長安帝都

沃饒險固然統萬距魏境裁百餘里朕在長安統萬

必危若在統萬則魏必不敢濟河而西諸卿適未見

此耳乃置南臺于長安以赫連瑱錄尚書事而還

勃勃

性驕虐視民如草芥常置弓劍于側羣臣進視者鑒其目笑者快其唇諫者先截其舌然後斬之

宗室司馬楚之

字德秀宣帝弟太常璽之八世孫

據長社

漢縣晉因之東魏廢故城

在今河南許
州長葛縣

劉裕誅翦宗室之有才望者楚之叔兄皆死楚之亡

匿蠻中及從祖休之奔秦

秦亡休之魯軌解延之俱降魏休之尋卒楚之

乃亡之汝潁間聚衆以謀復仇楚之少有英氣折節

下士有衆萬餘屯據長社裕使刺客沐謙往刺之楚

之待謙甚厚謙未得間乃夜稱疾欲因楚之問疾而

刺之楚之果自齋樂往視情意勤篤謙不忍發乃出

已首以狀告曰將軍深為劉裕所忌願勿輕率以自

保全遂委身事之為之防衛

秋七月劉裕始受進爵之命八月移鎮壽陽

復加殊禮進太妃為太后世子為太子

冬十一月丁亥朔日食

庚二年宋高祖劉裕永初元年西秦建丑元年西涼永建元年是歲晉亡宋代西涼亦亡宋魏夏北涼

燕秦凡六國夏四月長星出竟天六月劉裕還建康稱皇帝

是為宋高祖武帝廢帝為零陵王以兵守之

宋王裕欲受禪而難以發言乃集朝臣宴飲從容言

曰桓元篡位鼎命已移我倡義興復平定四海功成
業著遂荷九錫今年將衰暮崇極如此物忌盛滿非
可久安今欲奉還爵位歸老京師羣臣莫喻其意日
晚坐散中書令傅亮乃悟叩扉請見曰臣暫宜還都
裕解其意無復他言亮出見長星竟天拊髀歎曰我
常不信天文今始驗矣亮至建康四月徵裕入輔裕
留子義康鎮壽陽以參軍劉湛字弘仁南陽涅陽人為長史決
府事湛自幼年即有宰物之志常自比管葛博涉書史不為文章不喜談議裕甚重之六月

裕至建康亮具詔草使帝書之帝欣然操筆謂左右曰桓元之時晉氏已無天下重為劉公所延將二十

載今日之事本所甘心遂書赤紙為詔遜于琅邪第

百官拜辭秘書監徐廣

字野民
魏之弟

流涕哀慟裕為壇于

南郊即位廣又悲感流涕侍中謝晦曰徐公得無小

過廣曰君為宋朝佐命身是晉室遺老悲歡之事固

不可同宋主臨太極殿大赦改元奉晉帝為零陵王

即宮于故秣陵縣

此晉初所置秣陵縣也在秦淮
南後徙治關場因指此為故

使

將軍劉遵考將兵防衛

宋尊王太后為皇太后

宋主事蕭太后素謹及即位春秋已高每旦入朝未嘗失時刻

宋改晉封爵封拜功臣子弟有差

宋以晉氏封爵當隨運改獨置始興廬陵始安長沙康樂五公奉王導謝安溫嶠陶侃謝元之祀以道憐為太尉封長沙王徐羨之等增位進爵各有差

秋七月宋交州刺史杜慧度擊林邑

古越棠氏地注見前

大破降

之

初後漢末象林

漢縣屬日南郡

功曹區連殺令自立為王號

曰林邑其後范氏代之

區氏傳數世後王無嗣外甥范熊代立

有范文

者本西卷

日南屬縣

夷帥范幼家奴為林邑將

文以商賈常至洛陽

後入林邑教其王作城邑宮室及器械王寵任之

會其王逸

熊之子

卒文遂脅

國人而篡立

文先諧逸諸子或逃或徙及逸卒文詐迎逸子于他國置毒柳酒而殺之柳

木出交趾樹似檳榔其實大如瓜剖之其中有酒

于是旁擊諸國有衆數萬

晉咸康永和間屢寇日南九真諸郡

殺太子夏侯曉
害督護劉雄留

屯日南三年而去

是後無歲不至殺傷甚衆交州遂致虛弱

文死傳子及孫其國內亂大臣范諸農墓立傳子曰陽邁

至是刺史杜慧度率衆

南討大破之所殺過半其王陽邁乞降前後鈔掠者

皆送還

慧度為政纖密一如治家史民畏而愛之城門夜開道不拾遺

北涼王蒙遜誘西涼公歆與戰殺之遂滅西涼

北涼王蒙遜欲伐西涼先引兵攻秦浩疊

音告門漢縣以浩疊

水名故城在西寧府碾伯縣

既至潛師還屯川巖

在甘州府張掖縣西南

西

涼公歆欲乘虛襲張掖

宋譙張體順切諫不聽太后尹氏謂曰汝新造之國地狹

民稀自守猶懼不足何暇伐人蒙遜非汝之敵豈得輕舉僥冀非望以吾觀之非但喪師殆將亡國歆亦

不聽遂將步騎三萬東出蒙遜聞之曰歆已入吾術中

矣乃引兵邀擊歆歆大敗或勸歆還保酒泉歆曰吾

違老母之言以取敗不殺此胡何面目復見吾母遂

勒兵復戰為蒙遜所殺蒙遜入酒泉禁侵掠士民安

堵

初歆弟恂為敦煌太守有惠政及歆被殺恂奔北山郡人招之恂遂入敦煌衆推為刺史蒙遜遣世

子德政攻之不克蒙遜乃自帥衆以水灌其城城陷恂自殺蒙遜屠敦煌歆有子曰重耳奔于江左後

歸魏是為唐之祖
西涼自李嵩據
敦煌至歆亡凡二主合二十二年

八月宋立子義符為太子

南北朝

辛宋永初二年魏泰常六年是歲以後分注紀年南
朝以宋齊梁陳北朝以魏齊周餘國仍依前例非建
國嗣位改元不備列
春正月宋祀南郊大赦

夏四月宋毀淫祠

宋詔所在淫祠自蔣子文

廣陵人漢末為秣陵尉以
逐賊死鍾山吳大帝時降

神于吳言將大啟孫
氏大帝乃為立廟

以下皆除之其先賢以勲德祠

時零陵之勢已不如匹夫而裕計在必弑蓋自以年老子幼恐身終留此尚為禍根耳及宋之亡也劉氏無少壯皆被害于齊而梁弑巴陵王陳弑江陵王亦踵行如出一轍殘逆之報若司其契者觀唐宋齊楊氏崇氏

者不在此例

秋九月宋主劉裕弑零陵王于秣陵

初宋主劉裕以毒酒一甕授前琅邪郎中令張偉

吳人

弟邵之使酖零陵王偉歎曰酖君以求生不如死乃自

飲而卒太常褚秀之侍中褚淡之皆王妃兄也

后父與前

義興太守秀之子王母生男裕輒令秀之兄弟殺之王

深慮禍及與褚妃共處一室自煮食于牀前飲食所

資皆出褚妃故宋人莫得伺其隙至是裕令淡之往

恩禮始終國祥
綿延自得厚報
天道灼然可見
矣

視妃妃出別室相見兵人踰垣而入進藥于王王不肯飲曰佛教自殺者不復得人身兵人以被掩殺之裕帥百官臨于朝堂三日

冬十一月葬晉恭帝于冲平陵

在江寧府上元縣

十二月宋豫章太守謝瞻

字宣遠
晦之兄

卒

初宋臺始建瞻為中書侍郎其弟晦為右衛將軍時晦權遇已重自彭城還都迎家賓客輻湊瞻驚駭謂晦曰汝名位未多而人歸趨乃爾吾家素以恬退為

世道至此尚以
風度言論為貴
羣相推獎夫美
之大節已虧他
何足議而朝野
猶以為賢實可

業不願干預時事而汝遂勢傾朝野此豈門戶之福
邪乃以離隔門庭曰吾不忍見此後悔以佐命功位
任益重瞻愈憂懼至是遇疾不療臨終遺晦書曰吾
得啟體幸全亦何所恨弟思自勉勵為國為家

壬宋永初三年
戊魏泰常七年

春正月宋以徐羨之為司空錄尚書事

羨之起自布衣無學術直以志力局度一旦居廊廟

朝野推服咸謂有宰臣之望

常與傅亮謝晦宴聚亮
晦才學辯博羨之風度

詳整時然後言鄭鮮之歎曰觀徐傳言論不復
以學問為長

鄭鮮之字道子滎陽開封人

三月宋以廬陵王義真都督雍豫等州軍事

宋主有疾長沙王道憐徐羨之傅亮謝晦檀道濟並入侍醫藥羣臣請祈禱神祇不許唯使侍中謝方明

景仁從
祖弟

以疾告宗廟而已道濟出鎮廣陵監淮南諸

軍太子多狎羣小謝晦言于宋主曰陛下春秋既高

宜思存萬世神器至重不可使負荷非才上曰廬陵

何如晦曰臣請觀焉出造義真義真盛欲與談晦不

息答還曰德輕于才非人主也出義真為都督六州

諸軍南豫州刺史鎮歷陽是後大州率加都督多者或至五十州不可復詳載

矣

夏四月宋封楊盛為武都王

五月宋主裕殂太子義符立

是為少帝

宋主疾甚召太子義符誡之曰檀道濟雖有幹畧而無遠志非如兄韶有難御之氣也徐羨之傅亮當無異圖謝晦數從征伐頗識機變若有同異必此人也又為手詔曰後世若有幼主朝事一委宰相母后不

煩臨朝羨之亮晦道濟同被顧命遂殂

宋高祖清簡寡欲嚴整有

法度被服居處儉于布素遊宴甚稀嬪御至少嘗得後秦主興從女有盛寵頗以廢事謝晦微諫即時遣出財帛皆在外府內無私藏嶺南嘗獻八筒細布一端八丈惡其精麗勞人即付有司彈太守以布還之并禁嶺南作此布公主出適遠送不過二十萬無錦繡之物內外奉禁莫敢為侈靡性不信奇怪微時多符瑞及貴史官審以所聞拒而不答義符即位年十七立妃司馬氏為

皇后晉恭帝女海鹽公主也秋七月葬初寧陵

魏立子肅

即太武帝

為太子監國

魏主服寒食散頻年藥發災異屢見遣中使密問崔

浩曰屬者日食趙代之分朕疾彌年不愈恐一旦不諱諸子並少將若之何浩曰陛下春秋富盛行就平愈必不得已請陳瞽言聖代龍興不崇儲貳是以永

興之始社稷幾危

謂清河王紹之亂事見前

今宜早建東宮選賢

公卿以為師傅左右信臣以為賓友入總萬機出撫戎政如此則陛下可以優遊無為頤神養壽萬歲之後國有成主民有所歸姦宄息望禍無自生矣皇子燾年將周星明叡溫而立子以長禮之大經也魏主

復以問長孫嵩對曰立長則順置賢則人服嵩長且賢天所命也從之立燾為太子使居正殿臨朝為國

副主以嵩及奚斤安同為左輔坐東廂西面崔浩與

穆觀

本邱穆陵氏後改為穆氏

邱堆

獻帝第五兄曰邱敦氏後孝文改為邱氏

為右弼

坐西廂東面

胡三省曰魏臣出代北者姓多重複及高祖遷洛始皆改之舊史以其煩雜難

知故皆從後姓以就簡易今從之

百官總已以聽

魏主避居西宮時隱而窺之聽其決

斷大悅謂侍臣曰嵩宿德舊臣歷事四世功存社稷斤辯捷智謀名聞遐邇同曉解俗情明練于事觀達于政要識吾旨趣浩博聞彊識精察天人堆雖無大用然在公專謹以此六人輔相太子吾與汝曹巡行

四境伐叛柔服足以得志于天下矣

冬十月魏遣司空奚斤督諸將擊宋取青兗諸郡十二月宋遣南兖州刺史檀道濟救之

初魏主聞宋高祖克長安大懼遣使請和自是歲聘不絕及高祖殂沈範等奉使在魏還及河魏主遣人

追執之議發兵取洛陽虎牢滑臺

崔浩諫曰陛下不以劉裕歟起納其

使貢裕亦敬事陛下今乘喪伐之雖得之不足為美且國家今日亦未能一舉取江南也而徒有伐喪之名竊為陛下不取且謂宜遣人弔祭存其孤弱恤其凶災使義聲布于天下則江南不攻自服矣魏主曰

劉裕乘姚興之死而滅之今我乘裕喪而伐之何為不可浩曰不然姚興死諸子交爭故裕乘釁伐之今江南無釁不可比也魏主不從假司空奚斤即使督將軍周幾公孫表伐宋周幾代人公孫表廣陽人

斤等帥步騎三萬濟河營于滑臺之東宋司州刺史

毛德祖遣翟廣等將步騎三千救之

先是司馬楚之聚眾陳留之境

聞魏兵濟河遣使迎降魏以為荊州刺史使魏尚書

侵擾宋北境德祖遣將戌召陵雍邱以備之引兵襲倉垣兵吏悉踰城走陳留

滑稽

滑姓滑伯之後以國為氏

太守嚴稜馮翊人詣斤降斤等攻滑臺不拔求益兵魏

主怒責之自將五萬餘人南出為斤等聲援太子燾

將兵出屯塞上斤等急攻滑臺拔之東郡太守王景
度出走司馬陽瓚為魏所執不降而死乘勝進逼虎
牢毛德祖與戰屢破之魏主別遣將軍于栗磾屯河

陽取金墉德祖遣竇晃等拒之魏主至冀州遣叔孫

建將兵徇青兗宋豫州刺史劉粹

字道冲
蕭人

遣騎據項

城徐州刺史王仲德將兵屯湖陸

即湖陵故城在
兗州府魚臺縣于

栗磾濟河與斤并力攻晃等破之魏主遣領軍娥清

代人

閭大肥

蠕蠕人

將兵會周幾叔孫建南渡河軍于

碣磔

山名在泰安府東阿縣南有闕城

宋兗州刺史徐琰南走于是

泰山高平金鄉

注俱見前

等郡皆没于魏叔孫建等入青

州宋遣南兗州刺史檀道濟監征討諸軍事與王仲

德共救之

明年春于栗磧攻金墉克之魏主以栗磧為豫州刺史鎮洛陽

癸亥年魏泰常八年

春正月宋以蔡廓為吏部尚書不

受

蔡廓獨非晉臣
乎與其不受吏
部何如不仕新
朝乃沈約許其
識遠書法亦嘉
與之皆失策脫
之正

宋以廓為吏部尚書廓謂傅亮曰選事若悉以見付

不論不然不能拜也亮以語徐羨之羨之曰黃散

謂黃

門侍郎及散騎常侍侍郎

以下悉以委蔡以上故宜共參同異廓

曰我不能為徐干木署紙尾遂不拜

干木羨之小字選案黃紙錄尚

書與吏部尚書連名故廓云然

魏以刁雍

字淑和晉尚書令協之魯孫

為青州刺史

初宋高祖誅滅刁氏

高祖嘗與刁逵搏蒲不時輸直逵縛之馬柳高祖既建義以嫌

故遂誅其族

雍奔于秦秦滅雍降魏魏以為將軍使擾徐

兗至是魏叔孫建攻青州

刺史竺夔聚眾保東陽城不入城者使依據山險艾

夷禾稼魏軍至無所得食

東陽城在益都縣

雍見魏主于鄆

魏主曰叔孫建等入青州民皆藏避攻城不下彼素服卿威信今遣卿助之乃以為刺史給騎使行雍募兵得五千人撫慰士民皆送租供軍

二月魏築長城

柔然寇魏邊魏築長城自赤城

即今宣化府赤城縣水經注沽水逕赤城

東城在山阜之上下抗深隍是也

至五原二千餘里置戍以備之

三月魏攻宋虎牢不克殺其將公孫表

魏奚斤公孫表等共攻虎牢魏主自鄴遣兵助之毛

德祖于城內穴地入七丈分為六道出魏圍外募敢死士四百從穴中出襲其後魏兵驚擾斬首數百而還魏兵退散復合攻之益急德祖出兵與表大戰從朝至晡殺魏兵數百會斤別攻許昌還合擊德祖大破之初德祖在北與表有舊表有權畧德祖患之乃與交通音問密遣人說奚斤云表與之連謀每答表書輒多所治定表以書示斤斤疑之以告魏主魏主使人夜就帳中縊殺之

夏四月魏攻宋東陽城

注見前

不克而還留刁雍戍尹卯

壘名在泰安府東阿縣水經注濟水過穀城縣西有尹卯壘即此

魏叔孫建將三萬騎逼東陽城城中文武纔一千五

百人竺夔及濟南太守垣苗悉力固守時出奇兵擊

魏破之

魏步騎繞城列陳十餘里大治攻具夔作四重壘魏人填其三重為撞車以攻城夔遣人

從地道中出以大麻絙挽之令折魏人復作長圍進攻愈急歷久城壞戰士多死

檀道濟至

彭城以司青二州並急而所領兵少不足分赴青州

道近竺夔兵弱乃與王仲德等分兵救之已而建墮

東陽北城三十許步刁雍請速攻建不許遂不克及
聞檀道濟等將至雍又請將所募兵五千據險以邀
之時天暑魏軍多疫建曰兵人疫病過半若相持不
休兵自死盡何須復戰今全軍而返計之上也道濟
軍于臨朐建等燒營及器械而遁道濟以糧盡不能
追竺夔以東陽城壞不可守移鎮不其城注見前魏留
刁雍鎮尹卯招集民五千餘家置二十七營以領之
秦遣使入貢于魏

秦王熾磐謂羣臣曰今宋雖奄有江南夏人雄據關中皆不足與也獨魏主奕世英武賢能為用吾將舉國而事之乃遣使入見于魏貢黃金二百斤并陳伐夏方畧

閏月魏拔虎牢執宋司州刺史毛德祖遂取司豫諸郡先是魏主攻虎牢不克

魏兵攻虎牢毛德祖隨方拒守而將士稍零落于是魏主

如成臯絕虎牢汲河之路停三日白晝眾攻城亦不能下

至是叔孫建就奚斤共

攻之虎牢被圍二百日無日不戰勁兵殆盡而魏增

宋魏彼此屢作地道于兵法固不足論甚乃欲藉此以洩城中之井尤為贅說試思城中之井豈可數計遠近大小又安得預知穴地縱甚深透遽能一一盡洩之乎三尺黃童亦當失笑

兵轉多毀其外城德祖于內更築三重城以拒之又毀其二重德祖惟保一城晝夜相拒將士眼皆生創德祖撫之以恩終無離心檀道濟劉粹等皆畏魏兵彊不敢進魏人作地道以洩城中井城中人馬渴乏被創者不能復出重以饑疫城遂陷將士欲扶德祖出走德祖曰我誓與此城俱斃義不使城亡而身存也魏主命將士得德祖者必生致之將軍豆代田執以獻將佐皆為所虜唯參軍范道基將二百人突圍

南還魏士卒疫死者亦什二三奚斤等悉定司寇豫

諸郡縣魏主命周幾鎮河南河南人安之

徐美之傳亮謝晦以

亡失境土上表自劾詔勿問

毛德祖後卒于魏

冬十一月魏主嗣祖太子燾立

是為魏世祖太武帝

魏主嗣祖太子燾即位自司徒長孫嵩以下普增爵

位以盧魯元

昌黎徒河人

為中書監劉潔

長樂信都人

為尚書

令尉春

魏餘部內入者西方尉遲氏後改尉氏春代人

劉庫仁

此又一劉庫仁獨孤部人

等八人分典四部以羅結

魏餘部內入者有叱羅氏後改羅氏結代人

為

侍中外都大官

魏有內外都大官

總三十六曹事

時結年一百七精爽

不棄魏主以其忠懇親任之使兼長秋卿監典後宮出入卧內年一百十一乃聽歸老朝廷每有大事遣

騎訪焉又十年乃卒

魏立天師道場

魏光祿大夫崔浩研精經術練習制度凡朝廷禮儀軍國書詔無不關掌不好老莊書曰此矯誣之說不近人情老聃習禮仲尼所師豈有為敗法之書以亂先王之治乎尤不信佛法曰何為事此胡神左右多

毀之魏主不得已命浩以公歸第然每有疑議輒召

問之浩既歸第因修服食養性之術初嵩山道士寇

謙之

上谷人徙馮翊

修張道陵

即張魯之祖見前

之術自言嘗遇老

子命繼道陵為天師授以辟穀輕身之術使之清整

道教又遇神人李譜文云老子之元孫也授以圖籙

真經使之輔佐北方太平真君謙之奉其書獻于魏

主朝野多未之信浩獨師授其術且上書曰聖王受

命必有天應河圖洛書皆寄言于蟲獸之文未若今

浩既以不好老
莊罷官何師第
即修服食甚至
引天師上書哆
言受命夫以天
師與老莊相較
不啻糟粕論者

徒以好奇之過
咎其始終易轍
不知此正浩之
熱中忠矣欲用
是為復用梯媒
耳平生號稱經
術至此尚可欺
人否

日人神接對手筆粲然辭旨深妙自古無比豈可以
世俗常慮而忽上靈之命哉魏主欣然使謁者奉玉
帛牲牢祭嵩嶽迎致謙之弟子以崇奉天師顯揚新
法起天師道場于平城東南重壇五層月設厨會數
千人

司馬氏光曰老莊之書欲同生死輕去就而為神仙
者服餌修鍊以求輕舉鍊草石為金銀其為術正相
戾耳是以劉歆七畧叙道家為諸子神仙為方技其
後又有符水禁咒之術至謙之遂合而為一至今循
之浩不喜佛老而
信謙之之言何哉

甲宋景平二年太祖文帝義隆元嘉
子元年魏世祖太武帝熹始光元年
春正月宋廢其廬

陵王義真為庶人

宋主義苻居喪無禮好與左右狎暱遊戲無度特進

致仕范泰

字伯倫
寧之子

上書諫之不聽廬陵王義真警悟

好文而性輕易與謝靈運

元之曾孫襲封康
樂公世稱謝康樂顏延之

字延年
會稽之曾孫

情好款密

靈運性褻傲不遵法度自謂才
能宜參權要常懷憤悵延之嗜

酒放縱徐美之等惡義真與兩人遊義真故吏范晏
從容戒之義真曰靈運空疎延之隘薄魏文帝所謂

古今文人類不護細行者也但
性情所得未能忘言于晤賞耳于是美之等以靈運

延之構扇異同非毀執政皆出為郡守始義真至厯陽多所求索執政每裁量不盡與義真怨之表求還都時羨之等已密謀廢宋主而次立者應在義真與宋主有隙先奏列其罪惡廢為庶人徙新安郡前吉陽晉縣故城在今江西吉安府吉水縣令張約之堂邑人上疏曰廬陵王少蒙先皇優慈之遇長受陛下睦愛之恩今猥加剝辱幽徙遠郡上傷陛下常棣之篤下令遠近恠然失圖書奏見殺

夏五月宋徐羨之傳亮謝晦廢其主義符為營陽王遷于吳六月弒之迎宜都王義隆于江陵殺前廬陵王義真以謝晦行都督荆湘等州軍事

羨之等將廢義符以檀道濟先朝舊將威服殿省乃召道濟及江州刺史王弘入朝以謀告之謝晦聚將士于府內使中書舍人邢安泰潘盛為內應夜邀道濟同宿晦悚動不得眠道濟就寢便熟時義符在華林園為列肆親自沽賣與左右即龍舟而寢道濟引

兵入雲龍門安泰等先誠宿衛莫有禦者軍士進殺
二使者扶義符出收璽綬羣臣拜辭衛送故太子宮
羨之等以宜都王義隆素有令望乃稱皇太后令數

義符過惡廢為營陽王以義隆纂承大統遷義符于

吳使邢安泰就弑之

義符多力突走出昌門追者以昌門闕踣而弑之

門亦作閭傅亮帥行臺百官備法駕迎義隆于江陵羨之

等遣使殺義真以荊州重地恐義隆至或別用人乃

亟以錄命

錄尚書自出命也

除謝晦都督刺史欲令居外為

援精兵舊將悉以配之七月行臺至江陵傅亮率百

官上表進璽綬義隆下教

時年十八

曰猥以不德謬降大

命顧已驚悸何以克堪當暫歸朝廷展哀陵寢并與

賢彥申寫所懷望體其心勿為辭費

時諸將佐聞二王死皆疑不可

東下司馬王華曰先帝有大功于天下四海所服雖
嗣主不綱人望未改美之亮受寄崇重未容遽敢背
德畏廬陵嚴斷恐不能自容以殿下寬慈越次奉迎
冀以見德悠悠之論殆必不然又此五人同功並位
孰肯相讓就懷不軌勢必不行廢主若存慮將來或
受其禍是以殺害益由貪生過深不過欲握權自固
耳義隆曰卿復欲為宋昌耶長史王曇首校尉到彥
之皆勸行乃命華留鎮荊州欲使彥之將兵前驅彥

之曰了彼不便應朝服順流若使有虞此不足恃
更開嫌隙之端會雍州刺史褚叔度卒乃遣彥之權
鎮襄陽義隆引見傅亮號泣哀動左右既而問義真及

少帝薨廢本末悲哭嗚咽侍側者莫能仰視傅亮汗
流不能對乃布腹心于到彥之王華等義隆以府州
文武自衛遂發江陵

秋八月宋主義隆立

是為文帝

宜都王義隆至建康羣臣迎拜于新亭

徐羨之問傅亮曰王可方

誰亮曰晉文景以上人羨之義隆謁初寧陵還止中
曰必能明我赤心亮曰不然

堂百官奉璽綬義隆辭讓數四乃受之遂即位大赦
謁太廟復廬陵王先封迎其柩還建康以行荊州刺

史謝晦為真

晦將行問蔡廓曰吾其免乎廓曰卿受先帝顧命任以社稷廢皆立明義無不

可但殺人二兄而以之北面挾震主之威據上流之重以古推今自免為難晦始懼不得去既發喜曰今得脫

徐羨之等進位有差有司奏車駕依故事臨華

林園聽訟詔曰政刑多所未悉可如先者二公推訊
乃以王曇首王華為侍中竟陵王義宣鎮石頭羨之
等欲遂以到彥之為雍州不許徵為中領軍委以戎

政彥之自襄陽南下謝晦慮彥之不過已彥之至楊口步往江陵深布誠款晦亦厚自結納由此大安

柔然寇魏

柔然紇升蓋可汗聞魏太宗殂將六萬騎入雲中攻拔盛樂宮魏主帥輕騎討之三日三夜至雲中紇升蓋引騎圍之五十餘重騎逼馬首相次如堵將士大懼魏主顏色自若衆情乃安紇升蓋弟子于涉斤為大將魏人射殺之紇升蓋懼遁去

已而魏代柔然大獲而還

冬十一月吐谷渾王阿柴死弟慕璿立

初吐谷渾王樹落干自號車騎將軍大單于及卒授

國于其弟阿柴

阿柴稍用兵侵并旁小種地方數千里遂為疆國

阿柴有子

二十人至是疾病名諸子弟謂之曰先公車騎捨其

子拾虔而授孤孤敢私于緯代

阿柴長子

而忘先君之子

乎我死汝曹當奉慕璿

阿柴母弟

為主阿柴又命諸子各

獻一箭取一箭授其弟慕利延使折之慕利延折之

又取十九箭使折之不能折阿柴乃諭之曰汝曹知

之乎孤則易折衆則難摧汝曹當戮力一心然後可

以保國寧家言終而卒

十二月宕昌

西羌別種故國在今鞏昌府岷州南北周以其地為郡唐曰宕州後廢

朝貢

于魏

宕昌羌三苗之裔也羌地東接中國西通西域長數

千里各有酋帥部落分地不相統攝而宕昌最盛

通考

宕昌之界自仇池以西東西千里席水以南南北八百里仇池在同谷郡席水在上邽縣

有民二

萬餘落諸種畏之至是其王梁彌忽遣子入見于魏

乙宋元嘉二年魏始光二年丑夏主赫連昌承光元年

春正月宋主始親聽政

徐羨之傳亮上表歸政三上許之羨之仍遜位還第
徐佩之等並謂非宜敦勸甚苦乃復奉詔視事

二月燕有女子化為男

燕有女子化為男燕主以問羣臣傳權對曰西漢之

末雌鷄化雄

漢書五行志元帝初元丞相府史家雌鷄伏子漸化為雄又後漢靈帝時雌鷄

化為雄事見前

猶有王莽之禍况今女化為男臣將為君之

兆也

夏四月魏遣使如宋

始復通也

六月武都王楊盛卒子元立

初盛聞晉亡不改義熙年號謂世子元曰吾老矣當終為晉臣汝善事宋帝及卒元自稱武都王遣使告喪于宋始用元嘉年號宋因而封之

秋八月夏主勃殂世子昌立

丙宋元嘉三年
寅魏始光三年春正月宋討徐羨之傅亮誅之以王弘

為司徒揚州刺史錄尚書事彭城王義康都督荆湘等

州軍事謝晦舉兵反江陵

初宋主在江陵孔霽子

會稽人

為叅軍及即位以為步

軍校尉與侍中王華並有富貴之願疾徐羨之傅亮專權構之于宋主宋主欲誅二人并發兵討謝晦以王弘檀道濟始不預廢弑之謀弘弟曇首又所親委密使報弘且召道濟欲使討晦王華等皆以為不可宋主曰道濟止于脅從本非創謀殺害之事又所不關預撫而使之必將無慮道濟至乃下詔暴羨之亮

晦殺二王之罪命中領軍到彥之征北將軍擅道濟

以時收藹又命雍州刺史劉粹等斷其走伏是日詔

召羨之亮謝瞻

晦之弟

遣人報之羨之走至新林自經

死亮出走被執宋主使以詔書示之亮曰亮受先帝

布衣之眷遂蒙顧託黜昏立明社稷之計也欲加之

罪其無辭乎于是伏誅

宋主問討晦之策于檀道濟對曰臣昔與晦同從北征入

關十策晦有其九才畧明練殆為少敵然未嘗孤軍決勝戎事恐非其長臣悉晦智晦悉臣勇今奉王命以討之可未陣而擒也

徵王弘為侍中司徒錄尚書事揚州刺

史彭城王義康為荆湘都督荊州刺史晦聞徐傅等已誅自出射堂勒兵數日間四遠投集得精兵三萬奉表稱羨之亮等忠貞橫被冤酷皆王弘王曇首王華險躁猜忌讒構成禍今當舉兵以除君側之惡

閏月宋子劬生

初宋袁皇后生子劬后自詳視使馳白宋主曰此兒形貌異常必破國亡家不可舉欲即殺之宋主狼狽至后殿戶外禁之乃止以尚在諒闇故秘之至是始

言劬生

宋主自將討謝晦二月誅之

宋主下詔戒嚴諸軍並進以討謝晦晦帥衆三萬發

江陵舟艦旌旗甚盛歎曰恨不得以此為勤王之師

宋主發建康謝晦下至江口到彥之已至彭城洲在湖

南岳州府巴陵縣東北

會霖雨晦停軍十五日乃使孔延秀攻

彭城洲及洲口柵陷之諸將欲還夏口到彥之不可

乃保隱圻

圻亦作磯在岳州府臨湘縣東北水經注如山北對隱磯即此初晦與徐

傳為自全之計以為晦據上流而道濟鎮廣陵各有
彊兵美之亮居中秉權可得持久至是聞道濟來惶
懼無計道濟既至與彥之軍合晦始見艦數不多不
即出戰至晚因風帆上前後連咽

連謂連接
咽謂填咽

西人離

沮無復關心一時皆潰晦夜還江陵衆散畧盡乃攜
其弟遜等北走為人所執檻送建康何承天自歸于
彥之彥之因監荊州府事于是誅晦矚及其同黨孔
延秀周超等宋主還建康

靈運文人無行
已不堪大用甚
至繼流亦參權
要致有黑衣宰
相之譏均由典
午清談所貽害
耳

三月宋以謝靈運為秘書監顏延之為中書侍郎

宋主既還建康徵靈運延之用之又以慧琳道人善

談論因與議朝廷大事遂參權要賓客輻湊四方贈

賂相屬琳著高屐披貂裘置通呈書佐會稽孔顗

字思

遼山陰人曰遂有黑衣宰相可謂冠履失所矣

夏五月宋遣使巡行郡縣

遣散騎常侍袁渝等十六人分行諸州郡縣觀察吏

政訪求民隱又使郡縣各言損益

宋主親臨聽訟

宋主臨延賢堂聽訟自是每歲三訊

六月宋以王華王曇首殷景仁劉湛為侍中謝弘微

名密

以字行景仁從子

為黃門侍郎

王華以王弘輔政王曇首為上所親任與已相埒自謂力用不盡每歎息曰宰相頗有數人天下何由得

治

是時宰相無常官惟人主所與議論政事委以機密者皆宰相也亦有任侍中而不為宰相者然尚

書令僕射中書監令侍中侍郎給事中皆當時要官也華與劉湛王曇首殷景仁俱為侍中風力局幹冠

晃一時黃門侍郎謝弘微與華等皆宋主所重當時號曰五臣

秋八月宋遣使如魏

冬十月魏主自將攻夏

魏主問公卿今當用兵赫連蠕蠕

即柔然魏太武以其無知狀類于蟲

因改其號

二國何先長孫嵩等請先伐蠕蠕太常崔浩曰

蠕蠕鳥集獸逃舉大衆追之則不能及輕兵追之又

不足以制敵赫連氏刑政殘虐人神所棄宜先伐之

魏主亦聞夏世祖

赫連昌尊勃勃為世祖

殂諸子相圖

勃勃世子殂殺

其弟倫倫兄昌討殺瓚勃勃以昌為太子勃勃殂遂即位國人不安欲伐之嵩等

曰彼若城守以逸待勞大檀蠕蠕統升蓋可汗之名聞之乘虛

入寇此危道也浩力贊其行于是遣奚斤襲蒲坂周

幾襲陝城以薛謹字法順河東汾陰人為鄉導魏主欲以李順總前驅之兵崔

浩曰順誠有籌畧然其為人果于去就不可專委乃止浩與順由是有隙李順字德仁趙郡平棘人

十一月魏主入統萬取蒲坂及長安

魏主行至君子津在今歸化城西南黃河東岸水經河水于棧陵桐過二縣間濟有君

子之名即此會天暴寒冰合帥輕騎濟河襲統萬夏主方

燕羣臣魏師奄至上下驚擾夏主出戰而敗退走入
城門未及閉魏豆代田帥衆乘勝入西宮焚其西門
宮門閉代田踰垣而出魏分兵四掠殺獲數萬魏主
謂諸將曰統萬未可得也他年當取之乃徙其民萬
餘家而還魏師乘勝長驅遂入三輔蒲坂守將棄城
奔長安奚斤遂克蒲坂夏主之弟助興自長安奔安
定斤遂入長安秦雍氐羌皆降

河西王蒙遜及氐王
楊元聞之皆遣使附

魏

宋文以耕具為
愧事雖較葛布
龍燈美勝若元
英宗見遺衣繡
素木棉重加補
綴嗟嘆良久其
識趣相越何啻
霄壤

丁宋元嘉四年
卯魏始光四年
春二月宋主謁京陵

初宋高祖命藏微時耕具以示子孫宋主至故宮見
之有慚色近侍或進曰大舜躬耕歷山伯禹親事水
土陛下不覩遺物安知先帝之至德稼穡之艱難乎
夏四月魏遣使如宋

六月癸卯朔日食

夏主及魏主戰于統萬夏主敗走上邽魏取統萬

先是魏主自統萬還平城夏平原公定帥眾向長安

與魏奚斤相持魏主聞之欲乘虛再攻統萬遂自將

發平城至拔鄰山

胡三省注在黑水東北黑水注見前

捨輜重以輕

騎三萬倍道先行

羣臣咸諫曰統萬城堅非朝夕可拔不若與步兵攻具一時俱往魏

主曰用兵之術攻城最下必不得已然後用之今以步兵攻具皆進彼必懼而堅守若攻不時拔食盡兵疲外無所掠進退無地不如以輕騎直抵其城彼見步兵未至意必寬弛吾羸形以誘之彼或出戰則成擒矣吾軍去家二千餘里又隔大河所謂置之死地而後生者也及是魏主至統萬

分軍伏于深谷以少衆至城下

夏將狄子玉降言夏主聞有魏師召平原

公定定曰統萬堅峻未易攻拔待我擒奚斤然後徐往內外擊之蔑不濟矣故夏主堅守以待魏主聞而

患之乃退魏軍士有亡奔夏者言魏軍糧盡輜重在軍以示弱

後步軍未至宜急擊之夏主從之將步騎三萬出城長孫翰等皆言夏兵步陳難陷宜避其鋒魏主曰遠來求賊唯恐不出今既出矣乃避而不擊彼奮我弱非計也遂收衆偽遁引而疲之夏兵為兩翼鼓譟追之行四五里會有風雨從東南來揚沙晦冥官者趙倪曰今風雨從賊上來我向彼背天不助人願攝騎避之崔浩叱之曰是何言吾千里制勝一日之中豈

得變易賊貪進不止後軍已絕宜引軍分出其後掩
擊不意風道在人豈有常也魏主曰善乃分騎為左
右隊以犄之魏主馬蹶而墜幾為夏兵所獲拓跋齊
以身捍蔽魏主騰馬得上身中流矢奮擊不輟夏衆
大潰魏人乘勝逐夏主至城北夏主不得入遂奔上
邽明日魏主入城獲夏王公卿校及婦女以萬數馬
三十餘萬匹牛羊數千萬頭府庫珍寶車旗器物不
可勝計頒賜將士有差留常山玉素

遵之子

鎮統萬遂

還平城夏平原公定聞統萬破亦奔上邽魏主詔奚斤班師斤固請益兵滅夏魏主乃遣將益兵以助之初夏世祖性豪侈築統萬城高十仞基厚三十步上廣十步宮牆高五仞其堅可以厲刀斧臺榭壯大皆雕鏤圖畫被以綺繡魏主曰蕞爾國而用民如此欲不亡得乎魏主壯健驚勇臨城對陣親犯矢石左右死傷相繼神色自若由是將士畏服咸盡死力性儉率服繕取給而已以為財者軍國之本不可輕賞賜皆死事勲績之家親戚貴寵未嘗濫有所及命將出師指授節度違者多致負敗明于知人唯其所長不論流品聽察精敏下無遁情賞不遺賤罰不避貴常曰法者朕與天下共之何敢輕也然果于殺戮往往已殺而復悔之

漢末猶多殉義之士至魏漸已寥寥晉則在朝僅一徐廣在野僅一陶潛蓋自慕容相仍人不復知忠節綱目于潛卒符舊晉士以見完即于是時為尤難而寡廉鮮恥習俗恬不為怪亦可以觀世變矣

冬十一月晉徵士陶潛

字淵明一字元亮尋陽人晉長沙公侃之曾孫

潛少有高趣博學不羣以親老家貧為州祭酒少日自解歸召主簿不就躬耕自資遂抱羸疾後復為彭澤令不以家自隨在官八十餘日郡遣督郵至縣吏請曰應束帶見之潛歎曰我豈能為五斗米折腰向鄉里小兒即日解印綬去賦歸去來辭著五柳先生傳以自況徵著作郎不就妻翟氏亦與同志能安勤若夫耕于前妻鋤于後潛自以先世為晉輔恥復屈

身後代自宋高祖王業漸隆不復肯仕是歲將復徵
之會卒世號靖節先生



御批歷代通鑑輯覽卷三十六